



木 4  
2010  
4













睨亦小視之名睨之言莫也卷二云莫小也方言凡相竊視南楚或謂之睨王延壽王孫賦云眇眇睨而脈眇睨者方言睨視也東齊曰睨凡以目相戲曰睨睨者說文睨省視也釋言篇云睨窺也眇者說文眇直視也。眇音彫。睨馬板反睨睨走公鳥見二反睨口計反眇音祕。集韻去聲七。睨睨視也或作俾睨辟

**悞諒智也。**

方言十二悞諒知也疏證知讀為智廣雅悞諒智也

義本此。智古智字曹憲音釋悞音爰

**惺惺惺惺了慧也。**

廣韻一上平聲惺惺了慧人也。惺蘇公切

廣雅釋詁虔辯謾黠儼惺惺惺惺諛曉捷鬼慧也疏證惺者

方言晉謂慧曰惺惺者卷三云惺惺也惺與惺同按惺惺卷三釋詁文惺音革惺莫佳莫諧二反

**椎儲拙也。**

漢書周勃傳其椎少文如此注應劭曰今俗名拙語

為椎儲。椎音直推反

**抗髒不彊脰脰婞直也。**

後漢書趙壹傳伊優北堂上抗髒倚門

邊注抗髒高亢婞直之貌也。此壹刺世疾邪賦引秦客詩語

髒音葬

漢書周勃傳勃為人木彊敦厚注不謂直樸彊音其

兩反又周昌傳贊昌木彊人也注言其彊直如木石然又楊

敞子惲傳事何容易脰脰者未必全也注脰脰直貌也。脰音

形定切

**僂僂頰薄頰不媚也。**

玉篇上人部僂僂不媚也。公項母項

二切

又上頁部頰薄不媚也。頰口交切集韻平聲三頰

贅不媚也又去聲八贅或書作頰。贅牛交切又音傲

**誤詬恥也。**

說文解字第三誤詬恥也。胡禮呼寇二切



集韻去聲八 懊。憊悔也。○憊郎到切。

史記荆燕世家獨此尚觖望素隱觖音決又音窺

睡反又盧綰列傳欲王盧綰爲羣臣觖望集解如淳曰觖音辭  
別之訣望猶怨也瓚曰觖謂相扶而怨望也韋昭曰觖猶冀也  
索隱觖望猶怨望也又音企韋昭音冀

說文解字第八 咄。𪔐。無慙。一曰無腸意。○𪔐丑律。

文選洞簫賦瞋。𦣻。𦣻。以紆鬱。注說文曰顛顛。

也釋名曰咽喉下垂也言氣之盛而咽喉類腫也。○咽與頤劉  
竝音含。嘲音胡。漢書田儼儻則齟齬首用事者墳墓矣。注如  
涓曰齟側齧也。齬齬也。○螻紘二音。

懜當作懜。集韻去聲入。懜懜恨也。○懜音

廣韻二下

平聲。悵。悵。悵。又集韻平聲三。悵。悵。失意。○悵。蚩。招。切。

廣韻釋詁 黻。愔。慙。念。忽。恍。

腆誅悽慄忘也疏證黥各本譌作鰕惟影宋本皇甫本不譌說

文愈忘也按此作馱不誤愰繼一字疏證未及集韻去聲八愰

於瞻切博雅愛也一曰忘也玉篇上心部戀羊季切忘也○黻

烏減反。懋聿醉以去。二反。又忽慌疏證。忽者說文忽忘也。

墨子脩身篇云忘名忽焉恍者玉篇恍懔恍也恍與恍同合言

之則曰忽恍淮南子人閒訓使忽恍而後能得之高誘注云忽

悅善忘之人悅亦與慌同慌忘聲相近忽慌猶忽忘耳○慌呼

又腆誅疏證腆者方言腆忘也誅者說文誅忘也徐鍇

傳云言失忘也文選四子講德論善注引廣倉云怱忽忘也論



衡別通篇云輕慢佚忽佚佚竝與詖同。詖徒結反。又悚悚疏證悚者玉篇音莫達切忘也字从本末之末各本訛从午未之未按舊鈔本作悚張刻作悚不誤又按悚字疏證未及集韻去聲七悚徒對切音隊廣雅志也志卽忘之訛博雅音悚音退[方言十三]黷。黷忘也疏證黷各本訛作聲說文云黷者忘而息也廣雅黷黷忘也義本此按此尚沿舊本作聲博雅音黷烏減反又按黷方言廣雅俱作黷此从日與上黷誤字異玉篇中日部黷他典切明也又肉部黷他殄切厚也廣韻三上聲二十七銑二字竝收同音他典切古人承音作字每有不同疑鬱儀所見又是一本未可執以爲誤也

**惛惛實也。**

後漢書章帝紀安靜之吏惛惛無華注說文云惛惛志誠也。苦本孚逼二反

**屬與謹也。**

淮南子汜論訓而乃始服屬與之貌注謹也

**齊栗蚤怙謹懔兢兢惛惛粥粥敬懼也。**

孟子五引書逸篇變藥

齊栗注敬慎戰懼貌按今注疏本大禹謨有此文釋文齊作齊音側皆反明監本毛本皆作齊史記周本紀齊栗信哉漢谷永傳左右齊栗之臣孟康讀爲整齊之齊[方言六]蚤怙戰慄也荆吳曰蚤怙蚤怙又恐也疏證廣雅蚤怙懼也本此。鞏恭兩音[玉篇上心部]惛惛惛惛惛惛也[爾雅釋訓]兢兢惛惛戒也注皆戒慎疏小雅云戰戰兢兢大雅抑篇云子孫繩繩此皆小心戒慎也惛惛音義同[漢書禮樂志第二]粥粥音送注晉灼曰粥粥敬懼貌也

**聊慮精心也。**

文選長笛賦或乃聊慮固護注聊慮固護精心專一之貌



廩廩蹢蹢持整也

漢書循吏傳敘此廩廩庶幾德讓君子之遺

風矣注廩廩言有風采也又申屠嘉傳蹢蹢持整之貌也。

蹢音初角反

蔽敕戒備也

方言十三蔽敕戒備也注蔽亦訓敕疏證春秋文

公十七年左傳以蔽陳事賈服注皆云蔽敕也廣雅蔽敕戒備也義本此飭敕通。蔽勅展反

邊幅矜持也

後漢書馬援傳反脩飾邊幅注言若布帛修整其

邊幅也又公孫述傳論方乃坐飾邊幅曰高深自安注猶有邊緣以自矜持

懞伎堅強也

史記貨殖列傳人民矜懞伎集解晉灼曰懞音懞

伎音堅瓚曰今以土名疆直爲懞中也索隱懞音冀伎音寅

獬犢輕狡也

古文苑王延壽王孫賦性獬犢以獬疾能峯出而

橫施注獬即獬字犢者蹟獬音卞言獬犢輕迅也橫去聲沈

氏亮曰獬犢犬部中無此字當爲獬犢之譌獬即說文獬字犢

亦作趙

憮懞佞戾也

廣韻三上聲懞懞懞集韻上聲五憮懞佞戾烏

項虎項二切

嬖嬖不仁也

廣韻四去聲嬖嬖不仁。上徒弔徒了二切下火

弔而沼二切

獬獬狡也

集韻去聲八獬獬狡也。徧視二音

畔嘽剛猛也

論語十一由也嘽集解鄭曰子路之行失於畔嘽

疏舊注作販嘽字書販嘽失容也今本販作畔王弼云剛猛也

按舊注指皇氏侃本王弼云云皇疏文也

釁慄隘悍也

文選魏都賦風俗以釁慄爲墟注揚雄反騷曰何



文肆而質。蜚應劭曰：蜚狹也。下介切。方言曰：慄，勇也。果與慄古字通。按廣雅釋詁：慄，陋也。疏證引漢書揚雄傳：應劭注云：慄，狹也。慄與慄通。狹與陋通。此作猓，乃蜚字之變文。集韻去聲七：蜚，或作蜚。蜚又蜚，蜚或省，亦作猓。果見上釋詁狹小注。

**旭旭蹻蹻**。蹻蹻也。爾雅釋訓：旭旭，蹻蹻也。注：皆小人得志，蹻蹻之貌。正義釋文云：旭旭，郭呼老反。是郭氏讀旭旭為好好。小雅巷伯云：驕人好好，鄭箋：好好，喜譏言之人也。釋文又云：謝許玉反。則旭讀如字。太元從次二云：方出旭旭，朋從爾醜。測日方出，朋從不知所之也。大雅板云：小子蹻蹻，毛傳：蹻蹻，貌。釋文：郭居天反。詩音：巨虐反。今依詩讀。

**檮杌慙慙凶頑也**。左傳文公十八年：天下之民謂之檮杌。注：檮杌，凶頑無匹，儔之貌。檮，直出反。韋昭音：桃杌音兀。玉篇上

心部：慙，慙，兇頑貌。火含直絳二切。按明內府刊本：兇亦作凶。與鬱儀引合。

**蚩蚩悖悖也**。方言十二：蚩蚩，悖悖也。注：謂悖惑也。疏證：後漢書袁紹列傳：揚雄有言：六國蚩蚩。注：引方言：蚩，悖也。廣雅：蚩，悖亂也。悖音遙。

**喫詬劬頓強圉多力也**。莊子外篇天地：使喫詬索之而不得也。釋文：喫，口懈反。詬，口豆反。司馬云：喫詬，多力也。集韻上聲五：劬，頓多力。上鄔項切。下虎項戶講二切。楚辭離騷：經澆身被服強圉。今王逸注：強圉，多力也。漢書敘傳下：曾是強圉。注：詩大雅蕩之篇。按今本毛詩：強圉作彊禦。傳：彊禦，彊梁禦善也。釋文：禦，魚呂反。

**僛僛矍矍矻矻踔健也**。玉篇上人部：僛，僛也。○莫刮呼八



二切 後漢書馬援傳矍鑠哉是翁也注矍鑠勇貌也。東漢記作矍哉是翁矍許縛反集韻入聲十矍厥縛切錄書藥切廣雅釋詁乾健蹻狻狷矍猛壯獬武狻狷怒驍健也疏證狻各本譌作狻集韻類編並引廣雅狻狷健也按此从集韻類篇故不誤。上口堯反下音抗 莊子外篇秋水夔謂蚘曰吾以一足跼蹐而行子無如矣今子之使萬足獨奈何釋文跼勑甚反郭菴減反一音初稟反卓本亦作蹐同勑角反李云跼卓行貌

**鼓慄勇也**

廣雅釋詁鼓慄敢武佐勇也。曹憲音鼓冒樹反慄音果按此據通行本與駢雅合王氏疏證本鼓作致音同據集韻去聲七引博雅作鼓當从之

**標狡輕迅也**

玉篇上人部標狡輕迫也。標匹妙切按上獬獬

**惰羸不力也**

條章樵注標狡輕迅也此輕迫當係輕迅之譌鬱儀作迅不誤文選七發手足惰羸呂延濟注惰羸無力也按羸

一作愉見爾雅釋詁愉勞也注又作羸惰見商子猗草篇互詳

**蹠裝乖劣也**

古文苑王延壽王孫賦眴眴蹠而蹠裝注眴音院

蹠而充反蹠音軟蹠音蹠裝音訾一作蹠皆言形狀乖劣

**佯戾關劣懦恇嫵嫵弱也**

佻當作戾關當作關廣雅釋詁柔

與佻戾關劣懦恇嫵嫵脆集嫵嫵弱也疏證與與下戾字同說文戾柔皮也關智力少劣也懦各本譌作懦恇與下集字同說文恇下齋也齋與資同謂下劣之資也又云集弱貌按懦字从懦與疏證本合不誤曹憲音戾而充反呂靜音碾關乃弟反恇而審反 集韻上聲五魂媛弱也。戶賄吐猥二切 按與



弱張刻作耍弱舊鈔本不誤

伶俜零丁單子也

文選寡婦賦少伶俜而偏孤兮注伶俜單子

貌○伶郎丁切俶匹成切

又陳情表零丁孤苦張銑注零丁

危弱貌

落魄。懷恨。作傑。落度。失志也。

史記廊生列傳家貧落魄集解應

劭曰落魄志行衰惡之貌也晉灼曰落薄落託義同索隱按鄭

氏云曉音薄

玉篇上心部。懣，懣不得志也。○口朗力黨二切。

楚辭離騷經。忱鬱邑。余侘傺兮。王逸注。侘傺失志貌。○侘丑

加反又勑駕反僚丑世勑界二反

三國志蜀志楊儀傳往者

丞相亡沒之際吾若舉軍以就魏氏處世甯當落度如此邪

顛冥迷惑也。

莊子雜篇則陽固顛冥乎富貴之地釋文冥音眠

司馬云顛冥猶迷惑也

不斟何斟炸痰雍碟大漸病甚也

方言三 斟益也南楚凡相益

而又少謂之不斟凡病少愈而加劇亦謂之不斟或謂之何斟

注言雖少損無所益也疏證廣雅廣韻竝云斟益也義本此

玉篇中疒部疒。疾病甚也。○仕加五加二切

方言二殫殫殫微

也宋衛之間曰殽自關而西秦晉之間凡病而不甚曰殽殽注

病半臥半起也疏證廣雅殫殫病也義本此廣韻殫殫不動貌

磔磔同。按此本廣韻五入聲。磔字磔字注與方言訓異。○殄於

怯反殲音葉

書顧命主曰嗚呼疾大漸又列子刀命篇七日

大漸注漸劇也○漸慈冉切

嫫媿瘰癧慄考臞臠瘠也

漢書外戚傳上嫪毐太息注晉灼曰

三輔謂憂愁面省瘦曰嫫。冥嫫冥猶嫫妍也。嫫在消反。嫫

癰未詳沈氏亮曰疔部中無癰字疑爲瘦字之譌淮南子修務











胎臃大瘡也。

〔玉篇上肉部〕胎。臃。大腫貌。集韻平聲二上聲五

兩載義並同上。都罪都回二切。下火罪胡隈二切。

瘁瘵寒病也。

〔集韻入聲九〕瘁。瘵。寒病。萃速二音。

眵眵目汁凝也。

〔玉篇上目部〕眵。眵。目汁凝。都侯充支二切。

欬欬氣逆也。

〔又上欠部〕欬。欬。氣逆也。呼洽呼飢二切。

憑噫氣塞也。

〔文選長門賦〕心憑噫而不舒兮。〔注〕憑。噫。氣滿貌。

靨靨色惡也。

〔集韻去聲八〕靨。靨。色惡。母旦七鄧二切。

𩚑𩚑耆鮐乾都麋黎耆革鮐背胡耆老也。

〔方言十〕𩚑。𩚑。干。都耆。

革老也。〔注〕𩚑。音良。𩚑。音魚。𩚑。乾音于。皆老者皮色枯瘁之形。

也。〔疏證〕三國志蜀書彭蒙傳。老革荒悖。可復道邪。裴松之注引。

方言。滅𩚑。乾都耆革老也。滅。卽𩚑之訛。耆。卽耆之訛。玉篇云。𩚑。

老也。義本此。注內良。𩚑。悖。本作詳。說文云。飭也。讀若戒。玉篇云。

或作憊。廣韻謹謹也。良。憊之語。蓋猶言良謹。楷革反。乾。張刻。

作孔。誤今訂正。

〔又二〕眉梨耆鮐老也。東齊曰。眉燕代之北。鄙。

曰。梨。宋衛充豫之內。曰。耆。秦晉之郊。陳充之會。曰。耆。鮐。〔注〕言背。

皮如鮐魚。鮐音台。

〔又十二〕麋黎老也。〔注〕麋。猶眉也。〔疏證〕前。

卷一內作眉梨古字。脣通用。麋。廣雅眉黎老也。

〔爾雅釋詁〕黃。

髮。鬢。齒。鮐。背。耆。老。耆也。〔注〕鮐。背。背皮如鮐魚。〔疏〕劉熙釋名云。九。

十曰。鮐。背。背有鮐文。大雅行葦云。黃耆。台背。毛傳云。台背。大老。

也。鄭箋云。台之言。鮐也。大老則背有鮐文。左傳僖公二十二。

年。雖及胡者。獲則取之。何有於二毛。〔注〕胡。耆。元老之稱。〔疏〕諡法。

保民者。艾曰。胡。胡是老之稱也。釋詁云。耆。耆也。舍人曰。耆。觀也。

血氣精華。觀竭。言色赤黑如狗矣。孫炎曰。耆。面如凍梨。色似浮。

垢。老人壽徵也。耆音垢。又音苟。



卽世物故登假不諱不祿死也。

〔左傳成公十三年〕無祿獻公卽。

世按卽就也見成二年傳固卽死也注呂覽觀世篇以終其世

注沒世爲世卽世猶去世也〔漢書蘇武傳〕前以降及物故凡

隨武還者九人〔注〕物故謂死也言其同於鬼物而故也一說不

欲斥言但云其所服用之物皆已故耳而說者妄欲改物爲勿

非也〔禮曲禮下〕告喪曰天王登假〔注〕登上也假已也上已者

若仙去云耳。假音遐〔漢書丙吉傳〕上自臨問吉曰君卽有

不諱誰可以自代者〔注〕不諱言死不可復諱也〔禮曲禮下〕士

曰不祿〔注〕不祿不終其祿又壽考曰卒短折曰不祿〔注〕祿謂有

德行任爲大夫士而不爲者老而死從大夫之稱少而死從士

之稱疏壽考老也短折少也若有德不仕老而死者從大夫之

稱故曰卒也若少而死者則從士之稱故曰不祿

悽慄無寫翳恆款牢憮恹恹憮憮愛也。

〔方言六〕悽慄憮憮也。

〔疏證〕廣雅悽慄哀也義本此。悽音麥悽讀若侮。又十噴無。

寫憮也沅澧之原凡言相憮哀謂之噴或謂之無寫疏證詩小

雅我心寫兮鄭箋云我心寫者輸寫其情意無留恨也據此則

無寫爲無所輸寫〔廣雅釋詁〕慄慄憮恆憮憮款牢震愛也疏

證慄慄諸字爲親愛之愛憮爲隱愛之愛爾雅釋木蔽者翳郭

璞注樹蔭翳覆地者方言掩翳夢也郭注云謂夢蔽也引邶風

靜女篇夢而不見今本作愛爾雅夢隱也大雅烝民篇愛莫助

之毛傳云愛隱也掩翳愛隱一聲之轉愛與夢通恆亦作亟方

言亟愛也自關而西秦晉之間凡相敬愛謂之亟按據此則二

字訓義各別以作謹語失之〔又款牢疏證〕款者說文款意有

所欲也款與款同牢亦悽也語之轉耳〔方言一〕憮恹憮牢愛



也韓鄭曰憮晉衛曰淹汝潁之間曰憮宋魯之間曰牟或曰憮憮通語也按爾雅釋訓矜憮撫掩之也郭注撫掩猶撫拍正義引方言此條云憮掩與撫掩通爾雅釋訓憮憮惕惕愛也注詩云心焉惕惕韓詩以為悅人故言愛也正義說文云憮愛也釋文引李巡云憮憮和適之愛也憮本或作娒漢書敘傳注孟康曰娒娒惕惕愛也。憮釋文作憮云郭徒啟反與愷惕音同顧舍人渠支反李余之反惕他狄反

**嬌脆集憮飲羨便勦斂欲將闔欲也**

廣雅釋詁嬌脆集憮便勦斂欲將闔欲也按此從舊本今王氏疏證本以嬌脆飲羨願貪斂欲將闔欲也按此從舊本今王氏疏證本以嬌脆集憮便勦六字屬弱也上訓弱不訓欲嬌女孝切脆七歲切一作脆集又荏如甚二反憮乃臥反沈氏亮曰憮集韻亦音軟集與桂通詩小雅荏苒柔木集懦即荏染也又欲羨疏證飲者

說文飲欲得也音口感反又便勦疏證玉篇勦勦與也。便乃翫反勦音納又斂飲疏證玉篇飲貪欲也音呼練反又

將闔疏證闔之言覬覦也桓二年左傳云下無覬覦覬闔覬欲聲相近漢書武五子傳廣陵王胥見上年少無子有覬欲心即覬覦也說文豈欲也豈闔聲亦相近按此條將字疏證未及文選東賦及將祀天郊報地功善注將欲也義本此

**搏捩忼懣饕餮飢膏歎飲利選貪也**

又同上搏捩捩忼懣饕餮飢膏歎飲利選貪也楚辭天間穆王巧捩王逸注云捩貪也忼者爾雅懣忼也懣貪也說文忼貪也昭元年左傳翫歲而惕日杜預注云翫惕皆貪也晉語作忼日而漱歲饕餮者說文飢貪也引文十八年左傳謂之饕餮今本飢作饕賈逵服虔杜預注並云貪財為饕貪食



爲饕按傳云貪於飲食冒於貨賄侵欲崇侈不可盈厭聚斂積實不知紀極天下之民謂之饕餮是貪財貪食總謂之饕餮饕餮一聲之轉不得分貪財爲饕貪食爲餮也呂氏春秋先識篇云周鼎著饕餮有首無身食人未咽害及其身蓋饕餮本貪食之名故其字從食因謂貪欲無厭者爲饕餮也亂音者方言亂音通方言南楚江湖之間謂貪曰歎郭璞注云言歎欸難歎也說文歎食不滿也歎欲得也又云脂食肉不厭也並聲近而義同遼者方言荆汝江湖之郊凡貪而不施或謂之恪恪恨也說又吝恨恪也遼吝恪並通。捋音宜與指同玉篇上手部云引也捋母義反忤燥忤燥二音饕餮他高反餮音鐵與饕同亂音方言十作亂音疏證音今作音廣雅亂阿帙於既二反歎歎苦感

口感二反遼力晉反

饕餮茹食也

方言一饕餮食也陳楚之內相謁而食麥饌謂

之饕楚曰餮凡陳楚之郊南楚之外相謁而餐或曰餮或曰餮秦晉之際河陰之間曰饕餮注今關西人呼食欲飽爲饕餮惡恨五恨二反曹憲音饕餮烏困又於恨反饕餮五困反。廣雅釋詁饕餮餮啖噬饕餮餮餮餮餮餮餮茹食也疏證纂者論語爲政篇有酒食先生饌馬融注云饌飲食也饌與饕同茹者方言茹食也吳越之間凡貪飲食者謂之茹郭璞注云今俗呼能饕食者爲茹

饕餮餮也

方言十二饕餮餮也注饕音攜餮祭餮疏證饕餮諸

刻訛作饕餮注內祭餮當云音祭餮之餮諸刻訛作餮今並從永樂大典本。此作饕餮不誤



餽餽飽也。

又同上。餽餽飽也。疏證餽諸刻訛作餽廣雅餽飽也。

義本此。餽香既反餽音映此作餽亦不誤。

餽饌強食也。

玉篇上食部餽饌強食也。奴耕女江二切張刻。

餽作饌今訂正。

飢餬寄食也。

說文解字第五餬寄食也。繫傳通釋第十春秋左。

傳曰餬其口於四方。按說文無飢字玉篇上食部飢餬也。又。

餬寄食也。廣韻一上平聲飢餬餬字林云寄食集韻平聲二飢。

餬寄食也。皆本說文而加一飢字遂於寄食之義不甚可解。一。

切經音義則以飢餬爲酪酥說詳下釋服食醍醐美酥注。

酖醕醉極也。

廣韻二下平聲酖醕醉也。集韻平聲三酖醕極醉。

貌。毛刍二音。

啖飲欲食也。

廣韻一工平聲啖飲。食者欲食貌。又集韻平聲一。

啖飲欲食也。啖許羈香支二切飲音訃。

訃訃賢惹論誦拏也。

廣雅釋詁訃訃賢惹論誦拏也。疏證此釋。

紛拏之義也。賢各本譌作覽玉篇賢嫵拏也。廣韻云賢嫵也。嫵。

與論同拏與拏同。今據以訂正惹論者方言拏揚州會稽或謂。

之惹或謂之論郭注云惹言情惹也。論言誣論也。按此尚沿舊。

本作覽。又按惹論二字據方言尚可爲譌語賢與誦皆單字也。

○訃音弔訃丑加反賢羊瑞反惹汝奢汝灼二反論於釁反誦。

女家反與拏同音。

擻核何櫛擔也。

又同上。擻核何櫛擔也。疏證方言擻督賀膾儋。

也。儋與擔同擻擔二字竝从手各本譌从木旅各本譌作核自。

宋時本已然故集韻類篇核字注竝云一曰擔也。考玉篇廣韻。

核字俱不訓爲擔。又督字古通作旅廣韻旅俗作振方言擻督。



僭也此云攬核擔也核字明是俗旅字之訛何與賀通亦通作荷。攬音盈揣音鄧此尚沿舊本作核作揣集韻核濯胃二音揣與揣同

**調詒賄賺賣也**

又同上釋詁街賣調詒賄賺賣也疏證詒者釋

言云詒荷也賄者玉篇賄賣也廣韻云賄也謂賄貨而賣之也皋陶謨云懋遷有無化居史記呂不韋傳云此奇貨可居居與賄通賺者玉篇賺重賣也。詒力政反賄音居

**倩茶借也**

方言十二倩茶借也注茶猶徒也疏證廣雅倩茶差

且假貸僭也僭字借字之訛

**于諸寘也**

公羊傳哀公六年于諸其家注于諸寘也齊人語也

**謏誑誘也**

漢書武帝紀誑於邪說注如淳曰誑音怵惕見誘怵於邪說也師古曰怵或體誑字耳誑者誘也音如戌亥之戌今

俗猶云相謏誑而說者或改爲鉢導之鉢蓋穿鑿也。謏音先

誘反鉢音述誑从尤不从木舊鈔本作誑張刻作誑非今訂正

**撝捎選取也**

方言三撝捎選也自關而西秦晉之間凡取物之

上謂之撝捎注此妙擇積聚者也矯騷兩音疏證說文云自關

以西凡取物之上者爲撝捎廣雅撝捎選擇也皆本此

**祛摸持去也**

又六祛摸去也齊趙之總語也祛摸猶言持去也

疏證荀子榮辱篇祛于沙而思水楊倞注云祛與祛同方言祛

去也齊趙之總語莊子有祛篋篇亦取去之義此所引作衣旁

本書乃手旁廣雅祛莫去也義卽本方言而字又異古書流傳

旣久轉寫不一據祛摸猶言持去一語二字皆手旁爲得祛祛

假借通用祛字誤

**侵牟魚酌掠取也**

漢書景帝紀漁奪百姓侵牟萬民注李奇曰



牟食苗根蟲也侵牟食民比之蟬賊也

魚酌不收注魚酌皆取也收力救反掩藏也易井收勿幕言山川所產惟人所取未嘗有靳

讎柞交授也國策趙策五國之王嘗合橫而謀伐趙三分趙國

壤地著之盤孟屬之讎柞鮑彪注讎柞酬酢同言其相屬伐趙於酬酢之間

龕資斂筆集橋蘇賴攬取也廣雅釋詁龕岑資斂采掇舉撫

筆集攬投扼摘府檻索撈橋蘇賴攬攬揅揅攬攬收斂捕撈沒有

撒挺摻銛拊攬掩竊略剝剝撈撈取也疏證龕者法言重黎篇劉龕南陽李軌注云龕取也字或作戡竹書紀年帝辛三十四年周師取者即商書西伯戡黎也岑訓為取未見所出岑疑當作叟說文玉篇並云叟取也資者乾彖傳萬物資始鄭注云資

取也斂者說文斂強取也引呂刑攷攘矯虔今本作奪同筆者

爾雅筆舉也郭璞注云謂拔取菜周南關雎篇云左右芼之蘇

者說文蘇把取禾若也徐鍇傳云蘇猶部斂之也楚辭離騷蘇

糞壤以充幃兮王逸注云蘇取也史記淮陰侯傳樵蘇後爨集

解引漢書音義云蘇取草也蘇與蘇通賴者方言賴取也莊子

讓王篇云若伯夷叔齊者苟可得已則必不賴攬與下担字同

方言担攬取也南楚之間凡取物溝泥中謂之担或謂之攬說



加反

**根攪引也**

又同上 韋輓攀援摯抻抻根攪。仍按據摳摳捺。揄擢控抃攪引也。疏證根者廣韻根急引也。釋名痕根也。急相根引也。史記灌夫傳魏其侯失勢亦欲倚灌夫引繩批根生平慕之後棄之者。漢書批根作排根。孟康注云根者根格也。繩以抃彈之也。顏師古注云言嬰與夫共排遏之。譬如相對挽繩而根格之也。今吳楚俗猶謂牽引前卻為根格。攪者方言攪張也。張亦引也。故引弓謂之張弓。根乎根反。攪音盧。

**搥擗也**

又同上 投攷石搥。搥也。疏證搥音都回反。法言問道篇搥提仁義音義云搥擗也。擗與搥同。曹憲音釋擗大結反。搥池戟反。集韻入聲九搥。搥音徒結切。注博雅搥也。或省。

**煩攪按也**

詩葛覃薄汗我私傳汗煩也。箋云煩煩攪之用功深。

釋文阮孝緒字略云煩攪猶按莎也。按莎奴禾素禾二反。按接

莎即按莎禮共飯不澤手鄭注澤按莎也。說見通雅五釋詁類

**摻搓捫也**

集韻平聲四摻。搓捫也。摻倉含切。搓七何切。

**搥搥也**

廣雅釋言搥搥也。疏證說見卷四搥各本譌作搥

今訂正按舊鈔本張刻本並作搥不誤。又按卷四釋詁文云搥

搥搥搥也。疏證搥曹憲音而主反。各本皆作搥搥搥搥也。今

按搥搥搥搥四字諸書無訓為搥者。此因正文脫去搥字其音

內而主二字又誤入正文。校書者不得其解遂改而為搥改主

為挂耳。釋言云搥搥搥也。是搥搥本訓為搥。又說文玉篇廣韻

搥字並音而主反。今據以訂正。曹憲音搥烏沒烏困搥奴沒

搥而專周禮六日搥祭依王氏說而專當作而主反。又集韻入

聲九搥字注搥搥搥也。奴骨切。義本此。



卹勿搔摩也。

禮曲禮上國中以策慧卹勿注卹勿搔摩也。宰

沒二音

鋪頒抖數也。

方言六鋪頒索也東齊曰鋪頒猶秦晉言抖數也

注謂斗數舉索物也鋪音敷疏證數亦作擲玉篇云抖擻起物也廣韻抖擻舉貌

機揆拭滅也。

集韻入聲九機揆拭滅也按二字重出下云不方正也此云拭滅字同義別鬱儀故兩收之音解下

雍樹抱持也。

漢書夏侯嬰傳面雍樹馳注蘇林曰南方人謂抱小兒爲雍樹師古曰雍抱持之言取兩兒令面背已而抱持之以馳故云面雍樹馳雍讀曰擁

拮据戢揭也。

詩鴟鵂予手拮据傳拮据戢揭也。吉居二音

唐突抵觸也。

文選到大司馬記室箋維此魚目唐突璵璠注孔

融汝穎優劣論陳羣曰頗有蕪菁唐突人參也張銑注唐突猶抵觸也按翟氏灝通俗編卷十三引毛詩鄭箋豕之性唐突難禁制後漢書段熲傳唐突諸郡曹植牛鬪詩激起相唐突晉子夜歌小喜多唐突晉書周顗傳唐突西施南史王思遠傳唐突卿宰陸厥傳那得此道人祿蔽似隊父唐突人又漢書孔融傳擅突宮掖文選長笛賦犇遯湯突擅與湯皆唐之通用字困學紀聞云唐突見南史陸厥傳不知其前已多見此條援據甚博惟考今本范書融傳實作唐不作擅惠氏棟後漢書補注卷十六唐突注引丁度曰搪突觸也吳曾曰律有唐突之罪

趙趁扶服匍匐伏也。

玉篇上走部趙趁伏地也。補胡他胡二

切禮檀弓下詩云凡民有喪扶服救之釋文扶服並加字本又作匍匐音同詩谷風凡民有喪匍匐救之疏生民云誕實



匍匐謂后稷之生爲小兒匍匐與此不同也問喪注云匍匐猶顛蹙然則匍匐者以本小兒未行之狀其盡力顛蹙似之故取名焉廣雅釋詁匍伏也疏證匍者釋言云匍匐也匍與伏通說文匍手行也匍伏地也釋名云匍匐小兒時也匍伏也伏地行也

**趔趄顛沛仆也。**玉篇上走部趔趄僵仆。胡百山格二切論

語四顛沛必於是集解馬曰顛沛僵仆

**躩踈婉俚衝倣擡擡動也。**文選魯靈光殿賦頽若動而躩踈注

李尤辟靡賦曰萬騎躩踈以攖拏躩踈動貌。達尼二音又

士林賦象輿婉俚於西清注婉俚動貌也。俚音善方言十

二衝倣動也疏證廣雅衝倣動也義本此衝倣卽衝倣擡當

作擡廣雅釋詁頽倣振訊搖抗盪涌奮勦撼擡擡掉捎扮揮

擡擡抗擡衝倣賦頽東風動也疏證擡擡者玉篇擡振動也擡擡擡也。擡音臺擡素來切

**迎遙走也。**迎當作迎玉篇上走部迎遙走也。於忍許忍二切

**趙趙趙趙怒走也。**說文解字第二趙趙怒走也。去吉居謁二

切又趙趙趙也按大徐未釋其義小徐通釋卷第三繫傳三

云趙跨步遠也趙猶躍也廣韻五入聲趙趙行貌集韻入聲十

引說文云謂疾走。敕角以灼二切

**踢蹴頓伏也。**文選吳都賦魂褫氣懾而自踢蹴者應弦而飲羽

劉淵林注踢蹴皆頓伏也善曰聲類曰踢蹴也徒郎切漢書音

義曰蹴崩也蒲北切

**脅息縮氣也。**又高唐賦股戰脅息注脅息猶翕息也

**狗樓闐跂偃蹇偃背曲也。**列子黃帝篇仲尼適楚出於林中



見拘。樓者承蜩猶掇之也。注拘樓背曲疾也。拘於禹反又音

拘樓音縷。莊子內篇德充符闔跂支離無脈說衛靈公釋文

闔音因郭烏年反跂音企郭其逆反司馬云闔曲跂企也闔跂

支離言胸常曲行體不正卷縮也無脈名也崔云闔跂偃者也

支離偃者也脈脣同。後漢書趙壹傳姬媯名執撫拍豪強注

姬媯猶偃偃也衣字邱矩二反。按此壹刺世疾邪賦語。左傳

昭公七年一命而僂再命而偃三命而俯。注俯共於偃偃共於

僂。釋文僂力主反偃紆羽反一切經音義二廣雅僂曲也通俗

文曲脊謂之偃僂。  
**踈踈竦立也**集韻平聲一踈踈竦立也。廣韻一上平聲竦立

作堅立疑誤胡江疎江二切

**僂降不伏也**玉篇上人部僂降不伏也。僂與僂同烏江切

**俱僂不行也**又同上俱僂不行。俱欺忌切

**聽瞽欲臥也**又上目部聽瞽欲臥。他則莫北二切

**哈臺鼾睡也**世說新語雅量第六許侍中顧司空俱作丞相從

事嘗夜至丞相許戲二人歡極丞相便使入已帳眠顧至曉回

轉不得快孰許上牀便哈。臺大鼾注許璩字思文顧和字君孝

按通雅十入身體類謂哈臺即臺噫之聲也引世說許璩云云

璩板誤作噪。哈音呼來切噫音見上  
**吟嚶寤語也**列子周穆王篇眠中吟嚶呻呼徹旦夕焉注吟嚶

呻吟並寤語也。吟吾南反嚶音詣

**歔熙興也**爾雅釋詁歔熙興也注書曰庶績咸熙熙見周官正

義庶績咸熙堯典文史記作眾功皆興春官中車云飾遣車遂

廡之行之車僕云廡革車皆以廡為興也釋文廡郭音歔又音



欽字林火欽反

**苦敝棲遲息也**

又同上棲遲憩休苦敝。敝。息也。注棲遲遊息

也苦勞者宜止息敝。敝。咽皆氣息貌。○敝苦怪切。詩北山或

棲遲偃仰。又衡門可以棲遲。疏舍人云棲遲行步之息

**豫射厭也**

爾雅釋詁豫射厭也。釋文射羊石反字又作數同

**倫勩叩敕勤愉庸瘁勞也**

又同上倫勩叩。敕。勤。愉。庸。瘁。勞也。注

詩曰莫知我勩。維王之叩。哀我瘁人。國語曰無功庸者倫。理事

務以相約。敕亦為勞。勞苦者多情愉。今字或作瘁同。正義倫者

鄭注學紀云倫理也。易釋文引鄭注噬嗑云勩猶理也。是倫與

敕義同。勩本又作肆。邶風谷風云既詒我肆。毛傳肆勞也。疏引

孫炎云習事之勞也。叩者小雅小旻云亦孔之叩。毛傳叩病也。

勞苦為病。義相成也。敕者說文云勩勞也。以力來聲。故下文云

來勤也。今經傳通作勩。徐廣。史記注。勩。勩。古勩字。天官冢宰云

百工飭化八材。賈疏云勩勤也。勤力以化八材。勩通作飭。飭訓

為勤。勤即勞也。勤者周頌賁云文王既勤止。左氏昭十三年傳

請君無勤。玉藻云勤者有事則收之。鄭注謂執勞辱之事也。准

南記論訓云肩負簪之勤也。愉通作瘁。商子墨草篇瘁情之民

勉疾。又云情民不瘁。庸者大雅嵩高云以作爾庸。鄭箋庸功也。

夏官司勩云民功曰庸。瘁者鄭注士冠禮云古文亶為瘁。又通

作單。周頌昊天有成命云單厥心是也。勩與世反。叩巨凶反。

愉。羊主。羊朱。二反。瘁。丁賀反。本或作憊。音同。

**艾厯覲胥相也**

又同上艾厯覲胥相也。注艾厯未詳。覲謂相視

也。公羊傳曰胥盟者何。相盟也。正義艾厯者方言云裔厯相也。

裔艾聲之轉也。覲者說文云覲。衰視也。周語云古者太史順時



颺土韋昭注颺視也視即相也胥者大雅縣云聿來胥宇新序作聿來相宇賈誼書禮篇引詩云君子樂胥胥者相也按裔歷方言十三文已見上釋詁注

**賡揚續也**

又同上賡揚續也注書曰乃賡載歌揚未詳正義揚者益稷云臯陶拜手稽首颺言史記作臯陶拜手稽首揚言是颺即揚也會子立事篇身言之後人揚之

**貉嘆安定也**

又同上貉嘆安定也注皆靜定見詩正義貉通作莫釋文云嘆本亦作莫大雅皇矣云猶其德音釋文引韓詩作莫其德音云莫定也皇矣又云求民之莫鄭箋求民之定謂所歸就也按釋詁本以貉嘆安為句謂皆訓定此以安定字連屬為義失之

**諠譁審謚也**

方言六瘞譁審也齊楚曰瘞秦晉曰譁譁譁也

吳越曰諠譁注亦審謚互見其義耳疏證廣雅審譁譁也義本此○諠音翳譁音蒂

**閱閱自序也**

說文解字第十二閱閱自序也又繫傳通釋第二十三閱具數於門中从門兌聲臣錯曰春秋曰大閱簡車馬也具數一一數之也今人言閱閱謂歷數其門中之功伐也○房越弋雪二切

**旭卉難知也**

文選甘泉賦上天之緯杳旭卉兮注旭卉難知也按此據六臣本他本善注作幽昧之貌漢書揚雄傳顏注旭速疾也六臣張銑注旭美卉眾也非此義

**嚶喋深算也**

淮南子覽冥訓夫鉗且大而不施轡銜而以善御聞於天下伏戲女媧不設法度而以至德遺於後世何則至虛無純一而不嚶喋苛事也注嚶喋猶深算也言不采取煩苛之



事

**覆逆料量也。**

〔文選東方朔畫贊〕支離覆逆之數。〔注〕漢書曰上嘗

使諸數家射覆不能中使朔射之連中輒賜帛逆逆刺也。〔呂延

濟注〕覆謂射覆逆謂逆刺豫知前事也。

**戔戔稱量也。**

〔廣韻〕二下平聲。戔戔稱量。又五入聲。戔戔知輕重

也。丁兼丁括二切。故張刻作故非舊鈔本作故尤誤。今訂正。

**詭消克當也。**

〔集韻〕平聲。四詭消克當也。一曰拏也。○詭衣廉切。

**逕庭激過也。**

〔莊子〕內篇逍遙遊。大有逕庭。不近人情焉。〔釋文〕逕

徐古定反。司馬本作莖。庭勑定反。李云逕庭謂激過也。

**滑滑未定也。**

〔又〕內篇齊物論。爲其脗合置其滑滑。以隸相尊。釋

文。滑徐古沒反。亂也。向本作汨音同。崔戶入反。云枯口木也。滑

徐音昏。向云汨昏未定之謂。崔本作縉。武巾反。云繩也。

**梗槩商權大較無慮揚摧大要也。**

〔文選東京賦〕故粗爲賓言其

梗概如此。〔薛綜注〕梗槩不纖密言粗舉大綱如此之言也。又吳

都賦略舉其梗槩。〔注〕梗概粗言也。

〔又〕商。推萬俗。〔劉淵林注〕廣

雅曰商度也。推。推略也。言商度其推略。推音角。此作權音口

角反。王氏疏證謂婢權猶揚摧也。權與推通。

〔史記律書〕第三

世儒闇於大較。索隱大較大法也。又貨殖列傳此其大較也。索

隱大較猶大略也。

〔廣雅釋訓〕揚摧婢權堤封無慮都凡也。〔疏

證〕無慮亦大數之名。宣十一年左傳釋文云無慮如字。一音力

於反。或作亾慮。食貨志天下大氏無慮皆鑄金錢矣。趙充國傳

亾慮萬二千。人注云亾慮大計也。淮南子注云無慮大數名也。

周髀筭經無慮後天十三度十九分度之七。趙爽注云無慮者

粗計也。後漢書光武紀將作大匠竇融上言園陵廣袤無慮所



用李賢注云謂請園陵都凡制度也。莊子雜篇徐無鬼則可不謂有大揚擢乎淮南子俶真訓作物豈可謂無大揚擢乎注揚擢猶無慮大數名也。文選蜀都賦請爲左右揚擢而陳之劉淵林注韓非有揚擢篇班固曰揚擢古今其義一也李善注引許慎云揚擢粗略也。

**錄錄鹿嫁嫁陸陸碌碌隨從也**

漢書蕭曹傳贊當時錄錄未

有奇節注錄錄猶鹿鹿言在凡庶之中也。廣韻五入聲嫁說文云隨從也史記毛遂入楚謂十九人曰公等嫁嫁可謂因人成事耳亦作錄。盧谷力玉二切。後漢書馬援傳季孟嘗折愧子陽而不受其爵今更共陸陸欲往附之將難爲顏乎注陸陸猶碌碌也亦見史記酷吏傳贊。

**嬋媛牽引也**

楚辭離騷經女嬃之嬋媛兮王逸注嬋媛猶牽引

也

**微御受屈也**

說文解字第八御微御受屈也从人卻聲繫傳通

釋第十五臣錯曰御困劇也言見微遮困劇則受屈也此許慎全引司馬相如子虛賦之文按文選子虛賦微執受詘字从忄不从人說文解字第三佩部又出微字第十心部又出微字與史記相如傳之微漢書本傳之微方言十二之微字多互異然其義指則不相差別也繫傳於微字下引子虛是已於微字下引上林失之段氏注謂長卿用假借字作微許用正字作微方言疏證則謂微御微三字應以微爲本字微御皆其別體說與段異然則方言於微旁加人作微亦微字之別體矣說文微微微三字大徐並音其虐切小徐並音其雀反史記漢書方言文選微微微等字並音劇據曹憲博雅音微巨略去逆二反玉



篇上其部飢相踣卻也其虐紀逆二切是御飢等字字形不同義可竝受卽音亦可兼二讀也方言踣飢廣雅秀御竝見上訓纂三儼極注

**題帖標榜也**

後漢書黨錮傳論遂共相標榜惠氏棟補注引胡三省曰立表以示人曰標揭書以示人曰榜標榜猶言表揭也孫綽子或問雅俗曰判風流正位分涇渭殊流雅鄭異調題帖分明標榜可觀斯謂雅俗矣史記表商容閭崔浩曰表者標榜其里門也表榜義取諸此按今本後漢書黨錮傳序標榜作標榜注標榜猶相稱揚也榜與榜同古字通一切經音義十一中阿含經標榜注榜補朗切字从片

**斧藻修飾也**

法言學行篇吾未見好斧藻其德若斧藻其棗者歟李軌注斧藻猶刻柄丹楨之飾司馬光集注斧斲削也藻文

飾也文選王融三月三日曲水詩序劉良注斧藻謂修飾也

**惓詭變易也**

荀子禮論篇祭者志意思慕之情也惓詭詭佞而不能無時至焉注惓變也詭異也皆謂變異感動之貌。惓音平詭過委切

**精搖精進也**

淮南子要略精搖靡覽注楚人謂精進爲精搖

**娛好自持也**

玉篇上女部娛好自持也。𠂔鼎丁冷二切

**依章順從也**

漢書禮樂志第二五音六律依章。饗昭注依章諧

和不相乖離也

**迦互沮格也**

說文解字第二迦互令不得行也从彡柳聲古牙

切繫傳通釋第四迦互猶日犬牙左右制也閼巴反

**掉磬相絞訐也**

禮內則舅姑若使介婦母敢敵耦於冢婦注雖有勤勞不敢掉磬釋文隱義云齊人以相絞訐爲掉磬崔云北



海人謂相激事為掉磬也。掉徒弔反。

**儻募肫臍不檢也。**〔漢書傳常鄭甘陳段傳贊〕陳湯儻募不自收。

歛卒用困窮。〔注〕儻募無行檢也。募音蕩。〔玉篇上肉部〕肫臍無

檢限。肫之春切。臍大各切。廣韻入聲同。集韻入聲十。肫作臍

版誤。

**魀斷無圭角也。**〔莊子雜篇天下〕常反。人不見觀而不免於魀斷。

〔注〕雖立法而魀斷無圭角也。魀五管反。

**撓揆不方正也。**〔玉篇上手部〕撓揆不方正也。廣韻五入聲同。

蔑屑二音。按上已有撓揆字。此據集韻入聲九兩載一訓。拭滅

一訓不方正字同而義別也。

**骨鯁持正也。**〔後漢書來歙傳〕天中大夫段襄骨鯁可任。〔注〕骨鯁

喻正音也。說文曰鯁魚骨也。食骨留咽中為鯁。

**魁岸倨偉也。**〔廣雅釋訓〕魁岸雄傑也。〔疏證〕漢書江充傳。顏師古

注。魁大也。岸者有廉棱如崖岸之形。按師古說岸字之義。非是。

魁岸猶魁梧語之轉耳。張良傳贊。魁梧奇偉。應劭注。壯大之意。

是也。而師古乃云梧者言其可驚梧愈失之矣。〔按〕魁岸字已見

上釋詁。注前訓。衰大此云倨偉。皆與漢書廣雅所解不同。仍俟

再考。

**鬱悠思念也。**〔方言一〕鬱悠思也。晉宋衛魯之間謂之鬱悠。〔注〕鬱

悠猶鬱陶也。〔疏證〕廣雅鬱悠慎靖思也。義本此。

**惆悵悲哀也。**〔楚辭九辯〕惆悵兮而私自憐。〔文選〕劉良注。惆悵悲

哀也。

**僚慄慄愴也。**〔又同上〕僚慄兮若在遠行。〔文選〕呂延濟注。僚慄猶

悽愴也。



馬牙名二

不音言言四  
抔治恨不得也 淮南子道應訓若士舉臂而竦身遂入雲中盧

敖仰而視之弗見乃止駕極治悖若有喪也注楚人謂恨不得  
為抔治也。極音圻高郵王氏讀書雜誌九之十二云極治疊  
韻字从扌不从扌此尚从舊本作抔

慎惺意不盡也

玉篇上心部慎惺意不盡也。彌井丑井二切

喬詰意不平也

莊子外篇在宥於是乎天下始喬詰卓鷺而後  
有盜跖曾史之行釋文喬向欽消反或去夭反郭音矯李音驕  
詰李去吉反徐起列反崔云喬詰意不平也

昆千鰈于不可知也

說文解字第八鰈昆于不可知也从欠鰈  
聲古渾切按此从汲古閣本段本斟詮本干並作干通雅四釋  
詰類引此于作于謂昆于猶昆吾也又引六書索隱鰈禹父名  
今作鰈縣鰈並菲音混今考玉篇上欠部鰈字注鰈干不可知

也公溫切廣韻一上平聲鰈字注鰈于不可知也古渾切集韻

平聲二鰈字注說文昆于不可知也公渾切或作干或作于皆

不作昆吾圍器解沈氏亮曰說文鰈音昆者以眾从蜀省文蜀

古昆字又鰈與鰈通故音昆也通雅音作混倫之混似轉失字

之本義。舊鈔本作干張刻作于並存備考

集說無志分也

漢書賈誼傳頑頓亡恥集說亡節注師古曰集

說謂無志分也集音胡結反詬音后

乾沒射成敗也

史記酷吏列傳始為小吏乾沒集解徐廣曰隨

勢沈浮也駟按服虔曰射成敗也如淳曰得利為乾失利為沒

正義按乾沒謂無潤及之而取他人也又云陽浮慕為乾心內

不合為沒也

拘覷未致密也

說文解字第八拘覷未致密也覷七句切







歛吸須搖少選條復揮霍咄嗟窀斯須咋喏奄忽俄頃也

選江淹雜體詩歛吸鵲雞悲注啖吸疾貌歛許勿切漢書

禮樂志第二神奄畱臨須搖注晉灼曰須搖須臾也呂氏春

秋音初篇少選發而視之注少選須臾也文選上林賦條復

遠去注郭璞曰儵忽長逝也善曰曹大家幽通賦注曰復遠也

負音戶頂切張刻條作條此从舊鈔本與文選合又文賦

紛紜揮霍注揮霍疾貌晉書石崇傳嘗為客作豆粥咄嗟便

辦通雅五釋詰類喏噴為小聲嘍喏則為大聲咄喏則為叱聲

咄喏一作咄嗟咋喏窀轉為叱咤猝嗟俗言卷一窀窀條

俗語急疾頃刻曰窀咤字一作咄嗟晉書咄嗟而辦集韻作咋

喏古樂府作咄喏今俗書詞曲作趲趲按文選魯靈光殿賦綠

房紫葍窀窀垂珠注說文曰窀物在穴中貌張滑切窀亦窀也

竹亞切通雅釋詁引之非此義禮樂記禮樂不可斯須去身

按斯須猶言須臾正字通頁部引禮方氏注曰斯者辨於此須

者待於彼辨則離待則合斯須則一離一合之頃也此說近鑿

淮南子繆稱訓斯須害儀高氏注斯須近也荀子王制篇罷不

能不待須而廢楊氏注須須臾也鹽鐵論論菑第五十四鄙

夫樂咋喏而怪詔漢鋤陌側柏二切漢書嚴延年傳奄忽

如神通雅六釋詰類奄忽一作飈飈李登聲類曰優侏之作變

飄猶奄忽之作飈飈也優侏不明莫如雲奄忽迅速莫如風按

奄忽二字漢書無注據聲類所云則迅速之義也

綽悒陝輪不定也集韻入聲十綽惹不定兒或書作悒惹悒

俱音弱後漢書列女曹世叔妻傳動靜輕脫視聽陝輪注陝

輪不定貌按此班昭女誡第五章文。陝音閃



馬牙名二

勿罔不審也後漢書馬融傳上積負勿罔寥豁鬱決騁望千里

天與地莽按此融廣成頌語

方皇徘徊也

荀子禮論篇方皇周挾乎天下注方音旁方皇讀為仿徨猶徘徊也挾讀為浹也

倚魁偏妄也

又修身篇倚魁之行非不難也然而君子不行止之也注倚魁皆謂偏僻狂怪之行

狙詐權變也

漢書諸侯王表秦據魏勝之地騁狙詐之兵注應劭曰狙伺也因間伺隙出兵也又敘傳下吳孫狙詐申商酷烈

後漢書黨錮傳論霸德既衰狙詐萌起注廣雅曰狙獼猴也以其多詐故比之也狙音若蛆反師古音干絮反

紛纒不善也

廣雅釋訓紛纒不善也疏證崔駰達旨云紛纒塞路凶虐播流。纒女交奴孔二反

忤悞不順也

集韻去聲七忤悞不順也一曰拔扈或作援。薄半呼玩二切

愠悞狹急也

愠當作悞玉篇上心部悞悞性狹廣韻三上聲集韻上聲六竝同。於典方顯二切字書無愠字

燠咻痛念聲也

左傳昭公三年民人痛疾而或燠休之注燠休痛念之聲疏賈逵云燠厚也休美也服虔云燠休痛其痛而念

之若今時小兒痛父母以口就之曰燠休代其痛也釋文燠於喻反休虛喻反集韻去聲七咻或作欽休作咻

輿謗勸力聲也

呂氏春秋淫辭篇今舉大木者前呼輿謗後亦應之注輿謗或作邪謗前人倡後人和舉重勸力之歌聲也。誘音吁何于切

歔歔語笑聲也

集韻入聲十歔歔語笑聲。乙革士革二切



欵乃靄廼襖靄囉啻歌聲也。〔柳宗元漁翁詩〕款乃一聲山

水綠又通雅四釋詁類黃公紹按項氏家說曰劉蛻集有湖中靄廼歌劉言史瀟湘詩有聞歌靄乃深峽裏元次山有湖南款乃歌後人因柳子厚有注云一本作襖靄遂欲音款爲襖音乃爲靄不知彼注甚明非竟音也陳氏曰款音靄乃如字其云款者欵之誤欵有靄音也。〔廣韻三上聲〕囉啻歌聲。囉魯何切

啻來改切又力諧切。〔說文解字第二〕嘯歌聲嘯啻也司馬相

如說淮南宋蔡調舞嘯啻也補盲切按此據汲古閣本徐氏繫傳通釋卷三同段氏說文注二篇上錢氏斟詮卷二並作淮南宋蔡舞嘯啻無嘯字謂相如凡將篇以七字爲句此當是凡將文今攷凡將不僅七字句任氏大椿小學鈎沈五載北戶錄注有蒨菁富門句唐陸羽茶經卷下引凡將有烏喙桔梗芫華款

冬等句似不得以七字概之且減八爲七亦與毛本徐本不合繫傳通釋謂此相如上林賦文攷上林賦僅云巴渝宋蔡淮南于遮無嘯啻字錢氏斟詮疑于遮卽嘯啻辛楣錢氏史記考異謂巴渝當作嘯啻以二說較之考異爲長然于遮字說文未見巴嘯音近于遮則無音可通似凡將上林皆不必曲爲比附且許君距相如時近安知其家封禪文外不尚有未獻之書爲許君所見耶闕疑可也。旁與嘯通

蠅咬啞嚙嘖嘖聲也。〔文選東京賦〕咸池不齊度於鼃咬而

眾聽者疑惑薛綜注蠅咬淫聲也。烏瓜烏交二切蠅與鼃同

楚辭九思諷諷兮啞嚙〔王逸注〕諷諷竊言啞嚙容媚之聲洪

興祖補注啞音益啞於角切又音屋〔文選文賦〕務嘖嘖而妖

冶〔注〕埤蒼曰嘖嘖聲貌啞與嘖及嘖同才曷切呂延濟注嘖嘖



浮豔聲。嘈音曹贊又音贊各書或作噴噴皆重文

**唸呖殿屎通喚呻恫呻吟也**

說文解字第二唸呖也詩曰民之

方唸呖又唸呖呻也。都見馨伊二切

詩板民之方殿屎傳

殿屎呻吟也爾雅釋訓殿屎呻也釋文丁練反下虛伊反或作

欲吹又作慇慇說文作唸呖匡謬正俗卷六今太原俗呼痛

而呻吟謂之通喚何答曰爾雅云恫痛也郭景純音呻啊音通

亦音恫字或作恫周書曰痾瘰乃身並是其義今痛而呻者江

南俗謂之呻喚關中俗謂之呻恫音同鄙俗言失恫者呻聲之

急耳太原俗謂恫喚云通此亦以痛而呻吟其義一也郭景純

既有呻恫之音蓋舊語耳

**感慙徇私恩也**

史記季布列傳感慙而自殺者非能勇也集解

徐廣曰或作概字音義同

**恹恹懷憂也**

楚辭七之心恹恹而煩冤兮王逸注恹恹憂愁貌

也廣雅釋訓恹恹懷憂也疏證恹各本譌作覃爲影宋本不譌

○此尚沿舊本作覃他胡他闇二切又見上訓纂三恹恹注

**縛紕貶損也**

荀子不苟篇不能則恭敬縛紕以畏事人注縛與

搏同紕與黜同謂自搏節貶損

**弟靡遜伏也**

莊子內篇應帝王因以爲茅靡○釋文作弟靡云

弟徐音頽丈回反弟靡不窮之貌崔云猶遜伏也按通雅四釋

詰類引列子莊子茅俱作弟讀如穉姚氏章義一同是弟又當

爲弟也

**憑陵依據也**

左傳襄公二十五年介恃楚眾以憑陵我敝邑釋

文馮皮冰切阮氏按勘記宋本清熙本岳本憑作馮與釋文合

**彈壓摧迫也**

淮南子本經訓牢籠天地彈壓山川注彈山川令



出雲雨復能壓止之也文選王融三月三日曲水詩序呂向注  
彈壓猶蹴蹋也按此訓摧迫未詳

**怛怛礪裔習也**

後漢書馮異傳怛怛小利注怛怛猶慣習也。

怛音尼丑反沃音逝

方言十二礪裔習也注謂玩習也疏證

廣雅礪裔習也義本此裔說文作曳云習也。礪音盈

**歸宵徬徬使也**

方言十三歸宵使也疏證玉篇云歸使也義本

此宵喉一聲之轉喉音漱說文云使犬聲。遼躡二音說文

解字第二徬使也从彳諄聲徬使也从彳夆聲集韻平聲二徬

徬使也。徬與徬竝普丁切徬樸蒙切

**抱媯耦也**

方言二抱媯耦也荆吳江湖之間曰抱媯宋穎之間

或曰媯注抱音赴媯孚萬反一作媯疏證說文云媯生子齊均

也注內孚萬反各本多訛作追萬反从曹毅之本

**拊扒減也**

廣雅釋詁貶損削黜猥撤耗遯隸拊扒刮斂屨殺痕

夷爽劣減也疏證拊扒皆取之減也。步侯所斤二反

**頡訢逆也**

呂氏春秋明理篇夫亂世之民長短頡訢百疾注疾

病也長短者無節度也頡猶大訢逆也百疾變詐也既無節度

大逆爲變詐之疾也。頡古黠切訢舊从干畢氏新校本从午

按作訢者是也說文解字第十四訢逆也从午吾聲五故切段

氏注引管子七臣七主篇事無常而法令申不訢則失國又引

呂覽明理篇高注訢迎也字皆左吾右午悟之或體也姚宏云

字書無之過矣又按集韻去聲七載還或作迂亦作悟悟或作

忤亦作午又作藎史記屈賈列傳重華不可悟兮楚辭悟作還

一作還洪注當作還與迂同是悟亦訢之或體也此作訢尚沿

舊本



介倪那倪也

莊子外篇馬蹄夫加之以衡扼齊之以月題而馬

知介倪闔扼驚曼詭銜竊轡釋文介徐古八反倪徐五圭反郭

五第反李云介倪猶脾睨也崔云介出俾倪也按通雅四釋詁

類云介倪猶那倪也引莊子音義介倪猶那倪爲證然考今本

釋文李崔二解外他無所載或脾睨卽那倪之譌未之詳也

樸屬附著也

考工記總目凡察車之道欲其樸屬而微至注樸

屬猶附著堅固貌也○屬音燭

流冗散亡也

後漢書光武帝紀上流冗道路注冗音人勇反冗

散也

寥漠宋寔也

楚辭遠遊野寥漠以無人通雅六釋詁類寂寞一

作宋莫寥漠歟漠宋漠寂漠率漠說文本作歟漠卽寂寞也一

作宋莫鄺氏字說作率漠楚辭作寥漠又作宋漠集韻宋一作

諏又作淑

跣蹕無常也

跣蹕見廣雅釋訓詳上遲疑注又說文解字第二

蹕蹕行無常貌集韻上聲六蹕或作跣蹕丑甚切蹕丑角切○

又見上跣蹕健也注

勞櫟鈔愴鈔規裁制也

文選長笛賦勞櫟鈔愴愴哲龍之惠也注

勞櫟鈔愴皆分別節制之貌○勞音梨六臣作勞櫟音歷鈔他

堯切愴胡麥切舊鈔本作愴張刻不誤又蜀都賦鈔規兼呈

劉淵林注方言云鈔規裁也梁益之間裁木爲器曰鈔裂帛爲

衣曰規○鈔浦覓反規音規



駢雅訓纂補遺

訓纂四

釋訓

搢搢搢也

四之二十一

廣雅釋言搢搢搢也疏證說見卷四搢各本

訛作搢今訂正寶臣按字當作搢說文而部篆作而大部篆作  
𠂔形涉誤作重而也手部搢字段氏定作搢云如染繒爲色也  
而泉反各本篆作搢解作需聲引周禮作搢祭今正古音奘聲  
在十四部需聲在四部其音畫然分別後人乃或淆亂其偏旁  
本从奘者譌而从需而音由是亂矣周禮大祝九祭六曰搢祭  
士虞禮特牲饋食禮少牢饋食禮有司徹四篇經文凡用搢字  
二十唐石經周禮士虞皆作搢特牲少牢有司皆作搢參差乖  
異此非經字不一乃周禮士虞經淺人妄改也郭璞而沿反李  
善而緣反劉昌宗而元反陸德明而泉反皆奘聲之正音也杜



子看讀如虞芮之芮郭璞而悅反劉昌宗而誰反顏師古如閼反陸德明而劣反皆更聲之音轉也古音十四十五部最相近之理也此段氏所立部分見音均表今則周禮禮經漢書子虛賦注皆誤从需玉篇孺而主切廣韻虞韻作孺切而主薛韻作揆切如劣不知其本爲一字而五經文字云揆如悅反字書無此字見禮經孺汝主反見周禮是則唐開成石經正用張參之說故周禮與儀禮異字不知何以就禮經中士虞與他篇又異字也張氏云周禮作孺汝主反按周禮釋文曰而泉反一音而劣反劉又而誰反絕無汝主一反不可以證陸氏周禮之本作揆乎士虞禮釋文曰如悅反劉而元反又而誰反與少牢特性有司音義皆同亦不言而主反又不可以見士虞之本作揆乎其云字書無揆字則其所據說文紀爲俗改之本有孺無揆而不知說文古

本之有揆無孺也禮經注曰揆染也李奇子處賦注曰染揆也段氏準經最晰又手部搯沒也段云沒者湛也謂湛浸於中也集韻引字林搯拊沒也搯烏困又烏沒切拊奴困切許書揆旣訓染則廣雅搯拊揆也蓋謂沒拊於中而染之非謂搯拊卽是揆義不證許書則廣雅之義亦不明特詳論之

**抱媯耦也**

四之

方言二注見前今按說文解字第十二媯生子

齊均也从女免生讀若幡段氏注謂生子多而如一也元應書曰今中國謂蕃息爲媯息音芳萬切周成難字云媯息也按依列篆次第則此篆爲免身當云从免生小徐作从女媯聲大徐作从女免聲恐皆誤以兔爲聲尤非蓋元應在唐初已誤矣今正依小徐本今音芳萬切以平讀去耳十四部又通雅七釋詁譚語方言抱媯耦也郭注媯音追萬反耦亦迨牙見其義耳迨



牙即錯互則抱嬈非嬈咨之義矣疑抱嬈卽今之分嬈。嬈从女免生作力恐非存按

駢雅卷三上

釋名稱

王父王母祖父母也。

爾雅釋親父之考爲王父。父之妣爲王母。

注加王者尊之。

釋名釋親屬第十一祖祚也祚物先也又謂

之王父王母也家中所歸祚也王母亦如之

嚴君父母也。

易家人彖傳家人有嚴君焉疏父母一家之主家

人尊事同於國有嚴君故曰家人有嚴君焉父母之謂也

婢嬈嬈母也。

廣雅釋親媼妣嬈婢嬈媼姐母也疏證嬈與下

姐字同說文蜀人謂母曰姐嬈各本作嬈蓋因上文爸字從巴

而誤集韻類篇嬈字注引廣雅嬈母也嬈字注亦云母也則宋

時廣雅已有譌作嬈者考玉篇廣韻俱無嬈字玉篇姐古文作

嬈廣韻嬈楚人呼母也按廣雅所釋本以一字爲義鬱儀以嬈



婢婢嬭牽合爲文失之。○婢音畢嬭乃弟奴解二反。嬭子我子倚二反。

**世父伯父也。**

爾雅釋親父之兄弟先生爲世父。後生爲叔父。釋名釋親屬第十一。父之兄曰世父。言爲嫡統繼世也。又曰伯父伯把也。把持家政也。

**鼻祖始祖也。**

方言十二。鼻始也。嘗之初生謂之鼻人。之初生謂之首梁益之間謂鼻爲初。或謂之祖。漢書揚雄傳上有周氏之嬭媽兮或鼻祖於汾隅。注劉德曰鼻始也。師古曰雄自言系出周氏而食采于揚故云始祖於汾隅也。

**太高祖先也。**

淮南子汜論訓饗大高者而彘爲上牲。注大高祖也。大與太通。古人太字多不加點。如大極大初大素大室大廟大學之類。後人加點以別小大之大遂分而爲二矣。

夫之父曰君舅。母曰君姑。曰尊章曰威姑。夫之庶母曰少姑。夫之兄曰兄公。姊曰女公。爾雅釋親婦稱夫之父曰舅。稱夫之母曰

姑。姑舅在則曰君舅。君姑沒則曰先舅先姑。漢書廣川王傳

背尊章。注尊章猶言舅姑也。說文解字第十二。姑夫母也。威

姑也。漢律曰婦告威姑。廣雅釋親姑謂之威。疏證威姑卽爾雅

所謂君姑也。君與威古聲相近。說文君從艸君聲。讀若威。是其

例也。爾雅釋親謂夫之庶母爲少姑。夫之兄爲兄公。夫之姊

爲女公。

**妻之父母曰外舅外姑。**

爾雅釋親妻之父爲外舅。妻之母爲外

姑。釋名釋親屬第十一。妻之父曰外舅。妻之母曰外姑。言妻從

外來謂至己家爲歸。故反以此義稱之。夫妻匹敵之義也。

孫之子一世爲曾孫。二世爲元孫。三世爲來孫。一曰耳孫。四世爲



舅孫五世爲仍孫六世爲雲孫姪之子爲歸孫女子之子爲外孫  
姊妹之孫爲離孫於父之舅氏自稱曰彌甥爾雅釋親子之子  
爲孫孫之子爲曾孫曾孫之子爲元孫元孫之子爲來孫來孫  
之子爲舅孫舅孫之子爲仍孫仍孫之子爲雲孫釋名釋親屬  
第十一曾孫義如曾祖也元孫元懸也上懸於高祖最在下也  
來孫此在無服之外其意疎遠呼之乃來也舅孫舅貫也恩情  
疎遠以禮貫連之耳仍孫以禮仍有之耳恩意實遠也雲孫謂  
去已遠如浮雲也。舅音昆本亦作昆漢書惠帝紀上造以  
上及內外公孫耳孫注應劭曰耳孫者元孫之子也言去其曾  
高益遠但耳聞之也李斐曰耳孫曾孫也晉灼曰耳孫元孫之  
曾孫也師古曰耳孫諸說不同據平紀及諸侯王表說梁孝王  
元孫之子耳孫耳音仍又匈奴傳說握衍胸鞬單于云烏維單

于耳孫以此參之李云曾孫是也然漢書諸處又皆云曾孫非  
一不應雜兩稱而言據爾雅曾孫之子爲元孫元孫之子爲來  
孫來孫之子爲昆孫昆孫之子爲仍孫從已而數是爲入葉則  
與晉說相同仍耳聲相近蓋一號也爾雅釋親男子謂姊妹  
之子爲出女子謂舅弟之子爲姪謂出之子爲離孫謂姪之子  
爲歸孫女子子之子爲外孫正義總麻三月章云外孫賈疏以  
女出外適而生故云外孫釋名釋親屬第十一姪之子曰歸孫  
婦人謂嫁曰歸姪子列故其所生爲孫也出之子曰離孫言遠  
離已也左傳哀公二十三年以肥之得備彌甥也注彌遠也  
康子父之舅氏故稱彌甥疏彌者增益之義故爲遠也

長子謂之家督主婦謂之君婦夫婦相稱爲伉儷兩壻相稱爲友  
壻諸婦相稱爲妯娌史記越世家家有長子曰家督詩楚茨



君婦莫莫箋云君婦謂后也凡適妻稱君婦事舅姑之稱也疏  
凡適妻稱君婦故妾稱之爲女君也左傳成公十一年已不  
能庇其仇儷而亡之注儷耦也仇敵也疏仇儷者言是相敵之  
匹耦。苦浪力計二反釋名釋親屬第十一兩壻相謂曰亞  
又曰友壻言相親友也漢書嚴助傳上問助居鄉里時助對曰  
家貧爲友壻富人所辱注友壻同門之壻廣雅釋親妯娌娣  
姒先後也疏證方言築婬匹也郭注云今關西兄弟婦相呼爲  
築婬築與妯同爾雅長婦謂稚婦爲娣婦娣婦謂長婦爲姒婦  
郭注云今相呼先後或云妯娌漢書郊祀志長陵女子以乳死  
見神於先後宛若師古曰古謂之娣姒今關中俗呼之爲先後  
吳楚俗呼之爲妯娌

**嬰媿嬰彌嬰兒也。**

說文解字第十二媿嬰媿也釋名釋長幼第

十八始生日嬰兒或曰嬰媿。嬰一作醫禮雜記下中路嬰兒  
失其母焉注嬰猶醫彌也。醫於奚反彌五兮反一音迷

**釐孳孳生也。**

方言三陳楚之間凡人乳而雙產謂之釐孳秦

晉之間謂之健子自關而東趙魏之間謂之孳生注孳音茲孳  
蘇官反疏證說文孳一乳兩子也亦作孳廣雅釐孳健孳也義  
本此釐亦作孳孳亦作孳玉篇云孳孳雙生也

**苗裔遠胄也。**

楚辭離騷經帝高陽之苗裔兮朱子集注苗裔遠

孫也

右親屬

**元首至尊君也。**

書益稷元首起哉傳元首君也

文選過秦論

履至尊而制六合按天子至尊見儀禮第十一子夏傳西京賦  
侈靡踰乎至尊李善注引之又東京賦降至尊以訓恭薛綜注



至尊天子也

黎苗黔首元元黎蒸民也

後漢書皇后紀上損膳解驂以贍黎

苗注廣雅云苗眾也

廣雅釋詁黔首氓民也疏證黔首者秦

謂民爲黔首謂黑色也周謂之黎民史記秦始皇帝紀更命民曰黔首按祭義云明命鬼神以爲黔首則鄭注黔首謂民也魏策云撫社稷安黔首呂氏春秋大樂篇云和遠近說黔首韓非子忠孝篇云古者黔首悅密愬愚諸書皆在六國未滅之前蓋舊有此稱而至秦遂以爲定名非始皇創爲之也國策秦策子元元高氏注元善也民之類善故稱元後漢書光武帝紀上上當天地之心下爲元元所歸注元元謂黎庶也元元猶言喁喁可矜怜之辭也漢書司馬相如傳下正陽顯見覺寤黎蒸注黎蒸衆庶也

百揆冢宰天官吏部也

書舜典納于百揆傳百揆無所不總者

揆度也度百事總百官疏揆度釋言文百揆者言百事皆度之

周官云唐虞稽古建官惟百內有百揆四岳則百揆爲官名

又周官冢宰掌邦治統百官均四海疏周禮云乃立天官冢宰

馬融云冢大也宰治也

周禮天官冢宰疏鄭目錄云象天所

立之官象天者周天有三百六十餘度天官亦總攝三百六十

官故云象天也云官者亦是管攝爲號故題曰天官也通典二

十三職官五周禮天官太宰掌建王之六典以佐王理邦國注

變冢言太者百官總焉則謂之冢宰列職於王則謂之太宰漢

成帝初分尚書置四曹至光武乃分爲六曹迨於魏晉或五或

六無有常典自宋齊以來多定爲六曹稍似周禮至隋六部其

制益明大唐武太后遂以吏部爲天官戶部爲地官禮部爲春



官兵部爲夏官刑部爲秋官工部爲冬官以承周六官之制

**司徒地官度支戶部也**

〔書舜典〕汝作司徒敬敷五教在寬〔周

禮地官司徒疏鄭目錄云象地所立之官司徒主眾徒地者載養萬物天子立司徒掌邦教亦所以安擾萬民〔通典二十三職官五〕魏文帝置度支尚書專掌軍國支計吳有戶部而晉有度支皆主算計也開皇三年改度支爲民部統度支民部金部倉部四曹國家修隋志謂之戶部蓋以廟諱故也初戶部尚書居禮部之後武太后改置天地四時之官以戶部爲地官由是遂居禮部前

**宗伯秩宗春官禮部也**

〔書周官〕宗伯掌邦禮治神人和上下〔疏

宗廟也伯長也宗廟官之長故名其官爲宗伯又周禮春官宗伯乃立春官宗伯使帥其屬而掌邦禮〔注〕鄭司農云宗伯主禮

之官〔疏〕鄭目錄云象春所立之官也宗尊也伯長也〔書舜典

帝曰俞咨伯汝作秩宗傳秩序宗尊也〕〔疏〕王郊廟之官掌序鬼

神尊卑故以秩宗爲名〔通典二十三職官五〕唐虞之時秩宗

典三禮周禮春官大宗伯掌建邦之天神人鬼地祇之禮後漢

尚書吏曹兼掌齋祀亦其職也至隋置禮部尚書統禮部祠部

主客膳部四曹蓋因後周禮部之名兼前代祠部儀曹之職

**司馬兵部也**

〔書周官〕司馬掌邦政統六師平邦國傳夏官卿主

戎馬之事〔通典二十三職官五〕周禮夏官大司馬之職掌以九

伐之法正邦國制軍詰禁以糾邦國領校人牧師職方司兵之

屬卽今兵部之任也

**司寇刑部也**

〔書周官〕司寇掌邦禁詰姦慝刑暴亂傳秋官卿主

寇賊〔通典二十三職官五〕唐虞之時士官以正五刑周禮秋官



大司寇掌邦之三典以佐王刑邦國蓋其任也後周有秋官大司寇卿掌刑邦國隋初有都官尚書開皇三年改都官爲刑部尚書

**司空工部也。**

書舜典伯禹作司空又周官司空掌邦土居四民時地利傳冬官卿主國空土以居民士農工商四人使順天時分地利授之士能吐生百穀故曰土通典二十二職官五周禮終其屬有考工掌百工之事後周有冬官大司空卿掌五材九範之法至隋乃有工部尚書

**大司憲都御史也。**

通考五十三職官七梁及後魏北齊或謂之南臺後周曰司憲又後唐有司憲中大夫二人掌司寇之法辨國之五禁及隋以國諱改中丞爲大夫唐因隋亦曰大夫龍朔二年改爲大司憲

**奉常太常也。**

又五十五職官九今大常者亦唐虞伯夷爲秩宗兼夔典樂之任也周時曰宗伯爲春官掌邦禮秦改曰奉常漢初曰太常惠帝更名奉常景帝六年更名太常

**司宰司膳光祿也。**

又同上唐龍朔二年改光祿寺爲司宰寺咸亨初復舊光宅元年爲司膳神龍初復舊

**司僕司馭太僕也。**

又五十六職官十唐龍朔二年改太僕爲司馭咸亨初復舊光宅元年改爲司僕神龍初復舊

**廷尉詳刑大理也。**

又同上秦爲廷尉漢因之景帝中元六年更名大理唐龍朔二年改大理爲詳刑咸亨元年復舊光宅元年改爲司刑神龍元年復舊

**司賓鴻臚也。**

又同上唐龍朔二年改鴻臚爲司文咸亨初復舊光宅初改爲司賓神龍初復舊



馬牙先三 卷三 言三

司成祭酒也。又五十七職官十二龍朔二年改爲司成館又改

祭酒爲大司成咸亨初復舊

端尹詹事也。又六十職官十四詹事秦官漢因之唐龍朔二年

改詹事爲端尹少詹事爲少尹咸亨初復舊垂拱元年又改詹事爲宮尹少詹事爲少尹神龍初復舊

蘭臺祕書翰林也。又五十六職官十祕書省校書郎漢之蘭臺

及後漢東觀皆藏書之室亦著述之所多當時文學之士使讎校於其中故有校書之職後於蘭臺置令史十八人又選他官入東觀皆令典校祕書或撰述傳記當時重其職故學者稱東觀爲老氏藏室道家蓬萊山焉按翰林之職至唐始盛郎漢之祕書監蘭臺令史也考詳洪遵翰苑羣書所載唐李肇翰林志韋處厚翰林學士記韋執誼翰林院故事楊鉅翰林學士院舊

規宋蘇易簡續翰林志蘇耆次續翰林志及玉海一百二十一

官制文不備錄

內史中書也。又五十一職官五隋初改中書爲內史又改內史

爲內書後復爲內史按內史助於同官後世中書令亦稱內史然非舍人職也自唐以後內史之職無聞焉考詳玉海一百二

十一官制及歷代職官表二內閣表文不備載

三公太師太傅太保也。書周官立太師太傅太保茲惟三公傳

師天子所師法傳傳相天子保保安天子於德義者漢書百官公卿表上太師太傅太保是爲三公注應劭曰師訓也傳覆也

保養也師古曰傳相也

三孤少師少傅少保也。書周官少師少傅少保曰三孤傳孤特

也言卑於公尊於卿特置此三者

并准卷三 釋名再 訓義五



中宮皇后也

漢書哀帝紀食邑如長信宮中宮注中宮皇后之

宮周禮天宮內室以陰禮教六宮注六宮謂后也教者不敢斥

言之謂之六宮玷今稱皇后爲中宮矣

漢制帝祖母稱長信宮帝母稱長樂宮

文選齊敬皇后哀策文

哀長信之莫臨注應劭漢官儀曰帝祖母爲太皇太后其所居

曰長信宮也

後漢書皇后紀上皆如長樂宮故事注漢官儀

曰帝祖母稱長信宮帝母稱長樂宮

婕妤容華姪娥充衣昭儀順常無涓共和娛靈寶林良使夜者爾  
漢時女官也

後漢書皇后紀上至乃掖庭三千增級十四注婕

妤一姪娥二容華三充衣四已上武帝置昭儀五元帝置美人

六良人七七子八八子九長使十少使十一五官十二順常十

三舞涓共和娛靈保林良娣使夜者十四此六官品秩同爲一

等也通考二百五十三引舞作無良下無娣字又漢書外戚

傳上漢興因秦之稱號適稱皇后妾皆稱夫人又有美人良人

八子七子長使少使之號焉至武帝制婕妤姪娥容華充依各

有爵位而元帝加昭儀之號凡十四等云昭儀位視丞相使仔

視上卿姪娥視中二千石容華視眞二千石美人視二千石八

子視千石充依視千石七子視八百石良人視八百石長使視

六百石少使視四百石五官視三百石順常視二百石無涓共

和娛靈保林良使夜者皆視百石注婕言接幸於上也仔美稱

也姪娥皆美貌也俗俗猶言奕奕也便習之意也充依言充後

庭而依秩序也婕音接仔音子或從女其音同耳姪音五經反

俗音容昭儀昭顯其儀示隆重也涓絮也無涓言無所不絮也

共讀曰恭言恭順而和柔也娛靈可以娛樂情靈也保安也保



林言其可安眾如林也良使使令之善者也夜者主職夜事  
通考二百五十三引俗華作俗偉事文類聚前集帝系部引漢  
外戚傳保林作寶林據顏注寶當作保

貴嬪淑媛修容順成良人昭華修儀淑儀充華魏晉時女官也承  
徽列榮梁時女官也通考二百五十三帝系四魏因漢法母后

之號皆如舊制自夫人以下世有增損文帝增貴嬪淑媛修容  
順成良人明帝增淑妃昭華修儀又二百五十四帝系五晉

武帝采漢魏之制置貴嬪夫人貴人是為三夫人淑妃淑媛淑  
儀修華修容修儀婕妤容華充華是為九嬪文見南史后妃

傳又梁武定令制貴妃貴嬪貴姬為三夫人淑媛淑儀淑容  
昭華昭儀昭容修華修儀修容為九嬪婕妤容華充華承徽列  
榮為五職並見南史后妃傳上

良娣孺子保林才人皆太子嬪妾也漢書武五子傳納史良娣

注韋昭曰良娣太子之內官也大子有妃有良娣有孺子凡三  
等通考二百五十四帝系五太子宫置三內職良娣比開國  
侯保林比五等侯才人比駙馬都尉按此齊高帝建元三年所  
定梁則東宮置良娣保林為二職並見南史后妃傳

右君臣

望獲天皇也路史中三皇紀粵有天皇是曰天靈望獲強尊注

以獲為名以望為姓字子潤號中天皇君並詳洞神部

岳鐙地皇也又同上天皇氏逸地皇氏作出於雄耳龍門之岳

鐙名岳姓注字子元號中地皇君

愷胡洮人皇也又九頭紀地皇氏逸于有人皇胡洮龍軀注姓

愷名胡洮字文生



馬牙卷三 卷名和 言五  
侯岡頡史皇氏倉頡也。又禪通紀倉帝史皇氏名頡姓侯岡注

見地記

栢芝栢皇氏也。又同上栢皇氏姓栢名芝。

釐連釐蓄昆連氏也。又同上昆連氏一日釐連氏一日釐蓄氏

昆連者昏晦之謂也注釐本又作驪

赫蘇赫胥氏也。又同上赫蘇氏是爲赫胥注胥蘇也傳謂赫然  
之德爲人胥附而號之也

權天葛天氏也。又同上葛天氏葛天者權天也爰擬旋穹作權  
象故以葛天爲號

祝誦祝融祝融氏也。又同上祝誦氏一日祝融是爲祝融氏。

融古文和字

古皇有巢氏也。又同上有巢氏鶻六龍從日月是日古皇注河

圖云有巢氏王天下也鶻六龍飛麟從日月號古皇氏

方牙蒼牙包羲太昊也。又同上太昊伏羲氏方牙一日蒼牙風

姓是爲春皇包羲亦號天皇人帝皇雄氏蒼精之君也注易通  
卦驗云伏羲方牙精作易又云遂皇出握機矩表計寅而其刻

日蒼牙通靈昌之成謂伏羲也世多作庖犧轉失

女希女媧氏也。又同上女皇氏媧媧雲姓一日女希太昊氏之

女弟注世紀云地身人首一日女希是爲女皇

石年神農也。又同上炎帝神農氏姓伊耆名軌一日石年注見

春秋命麻序或作耳訛

辛律黃帝也。又疏仇紀黃帝有熊氏姓公孫名荼一日軒軒之

字日辛律注見黃帝經序

紀質少昊也。又同上小昊青陽氏紀姓名質是爲摯注少昊幣



馬牙名三 采名和 言卷五  
文作小周書亦作小顓

明由必育成博隕邱燧人氏四佐也。玉海一百二十官制明由

必育成博隕邱右燧人四佐釋史一太古第一開闢原始論語  
擿輔象燧人四佐明由曉升級必育受稅俗成博受古諸隕邱  
受延嬉燧人出天四佐出世。隕于敏切燧徐醉切

金提烏明視默紀通仲起陽侯伏羲氏六佐也。玉海一百二十

官制陶淵明集聖賢羣輔錄金提主化俗烏明主建福視默主  
災惡紀通爲中職仲起爲海陸陽侯爲江海右伏羲六佐見論  
語擿輔象按此與路史釋史引羣輔錄皆作烏明舊鈔本亦同  
張氏刊本作鳥名未詳王又應麟小學紺珠五名臣類上陽侯作  
陽佚

風后天老五聖知命窺紀地典力墨黃帝七輔也。釋史五太古

第五黃帝紀論語擿輔象黃帝七輔風后受金法天老受天錄  
五聖受道級知命受糾俗窺紀受變復地典受州絡力墨受準  
斥州選舉翼佐帝德原注力墨蓋卽力牧

雄陶方回續牙伯陽東不訾秦不虛靈甫舜之七友也。小學紺

珠五名臣類上舜七友雄陶方回續牙伯陽東不訾秦不虛靈  
甫原注尸子逸士傳戰國策顏觸曰堯有九佐舜有七友禹有  
五丞湯有三輔又雄陶注一作雒按尸子今逸諸書所引不同  
有作五友者北堂書鈔四十九設官部一引尸子舜得友五人  
曰雄陶續耳柏楊東不識秦不空皆一國之賢人也漢書二十  
古今人表作雒陶續身柏陽東不訾秦不虛師古曰雒陶已下  
皆舜之友也身或作耳虛或作字竝見尸子有作六人者御覽  
八十一皇王部引尸子曰舜事親養兄爲天下法其游也得六



人曰雒陶方回續牙伯陽東不識秦不空皆一國之賢者也馬  
驢釋史十有虞紀引尸子作六人文與御覽同唯注云或作東  
不訾秦不虛又有靈甫曰七人而不載所出今考王氏紺珠引  
尸子及逸士傳又引國策顏觸語以實之自當以七友之說爲  
正孫氏問經堂叢書尸子輯本引御覽作其友也得五人與鮑  
氏仿宋刻本不同殆猶沿明活字本及黃正色刻本之誤至王  
氏所著紺珠載在玉海之末孫氏曾未之及亦云疎矣

**皐陶化益真窺橫革之交禹之五佐也**

呂氏春秋求人篇禹憂

其黔首顏色黎黑竅藏不通步不相過以求賢人欲盡地利至  
勞也得陶化益真窺橫革之交五人佐禹故功績銘乎金石著  
於盤盂畢氏沆校正王厚齋云荀子成相曰禹得益皐陶橫革  
直成爲輔此陶卽皐陶也化益卽伯益也真窺卽直成也真與

直字相類橫革名同唯之交未詳盧云按窺或是鏡字與成音  
近。窺丑庚抽庚二切

**陶臣繇余烏陀治泮水之三佐也**

路史二國名紀夏世侯伯繇

余烏陀陶臣又餘論七載錢希白紀繇余氏墓事謂繇余與陶  
臣烏陀帝堯之後佐禹理水以功封吳云云乃得諸錢知平夢  
寐之所述語極荒誕茲不悉錄

離朱之明魍魎之聰狄牙之味甘蠅飛衛之射鉗且大丙之御僦  
貸季俞跗之醫孟賁成荆烏獲荆慶之勇白台閭須南威先施毛  
嬙閭姬陽文傅子孟姬之美皆古之殊絕者孟子四離婁注離

婁古之明目者黃帝亡其元珠使離朱索之離朱卽離婁也按  
離朱事見莊子外篇天地又外篇駢拇釋文離朱司馬云黃帝  
時人百步見秋毫之末一云見千里針鋒孟子作離婁亦見列



子湯問篇又文選琴賦注引慎子作離珠列子湯問篇觥俞  
師曠方夜耳俛首而聽之弗聞其聲注觥俞未聞也殷敬順釋  
文觥俞古之聰耳人。觥除倚反夜他歷切法言問神篇狄  
牙能喊狄牙不能齊不齊之口司馬光集注咸曰喊啞物聲也  
又祕曰狄牙易牙知味者也大戴禮曰失管仲任豎刁狄牙  
列子湯問篇甘蠅古之善射者殼弓而獸伏鳥下弟子名飛衛  
學射於甘蠅而巧過其師旦當作且淮南子覽冥訓若夫鉗  
且大丙之御除轡銜去鞭棄策車莫動而自舉馬莫使而自走  
也注此二人太乙之御也一說古得道之人以神氣御陰陽也  
○鉗音箝且疽阻二音素問移精變氣論第十三歧伯曰色  
脈者上帝之所貴也先師之所傳也上古使儻貸季理色脈而  
通神明合之金木水火土四時八風六合不離其常注先師謂

歧伯祖世之師儻貸季也。儻卽就反史記扁鵲列傳臣聞  
上古之時醫有俞跗治病不以湯液醴灑索隱音與附正義俞  
跗按應劭曰黃帝時將也孟子二孟賁注賁勇士史記范雎  
列傳烏獲任鄙之力焉而死成荆孟賁王慶忌夏育之勇焉而  
死集解許慎曰成荆古勇士孟賁衛人國策韓策聶政刺殺韓  
傀政姊嫫聞之乃之韓視之曰勇哉氣矜之隆是其軼賁育高  
成荆矣鮑彪注說文成荆古之勇士淮南子齊俗訓孟賁成荆  
無所行其威注成荆古勇士也呂氏春秋重已篇使烏獲疾  
引牛尾尾絕力勳而牛不可行逆也注烏獲秦武王力士也能  
舉千鈞國策趙策內無孟賁之威荆慶之斷漢書廣川王傳  
注荆軻衛人謂之慶卿燕人謂之荆卿國策魏策左白台而  
右閭須南威之美也文選七發使先施徵舒陽文段干吳娃



閭姬傳子之徒雜裾垂髻目窕心與注皆美女也先施即西施也戰國策魯仲連謂孟嘗曰君後宮十妃皆衣縞紵食梁肉豈毛牆先施哉微舒段干傳子皆未詳莊子內篇齊物論毛嬙麗姬人之所美也釋文司馬云毛嬙古美人一云越王美姬也荀子賦篇閭姬子奢莫之媒也嫫母力父是之喜也注閭姬古之美女嫫母醜女黃帝時人按楚辭七諫頌謂閭姬爲醜惡姬一作陬見漢書音義。姬子于反又哀時命隴廉與孟姬同宮王逸注隴廉醜婦也孟姬好女也

嫫母隴廉倭傀此倭酸茂酸敦敦洽洽古之醜人也楚辭七諫

嫫母勃屑而日侍王逸注嫫母醜女也又見上閭姬注隴廉

見上孟姬注文選四子講德論嫫母倭傀注醜女。煨瑰二

音楚辭九歎此倭倚於彌楹王逸注此倭醜女也。此音毗

倭音雌左傳昭公二十八年昔叔向適鄭酸茂惡欲觀叔向

注惡貌醜。酸音駿莊子內篇德充符衛有惡人焉曰哀駘

宅注惡醜也釋文李云哀駘醜貌宅其名。宅與陀通徒何反

駘臺殆二音呂氏春秋遇合篇陳有惡人焉曰敦洽離塵推

顙廣顏色如漆赭垂眼臨鼻長肘而盪陳侯見而甚說之。廣

顏畢氏按云廣韻作廣額田氏寶臣曰此但當引方言十中夏

謂之額汝潁淮泗之間謂之顏釋之爾不煩改字也

靜人巨靈周饒倭短小人也列子湯問篇從中州以東四十

萬里得倭僂國人長一尺五寸東北極有人名曰靜人長九尺

注倭音譙倭短人國名也史記云倭僂氏三尺短之至也韋昭

曰倭僂西南蠻之別名也按括地志在大秦國北也又山海經

曰東海之外有小人名曰靜人按御覽三百七十八人事部引



列子四十作三十九尺作一尺六寸諍作諍音靖山海經大荒東經有小人國名靖人注詩含神霧曰東北極有人長九寸殆謂此小人也郝氏箋疏按說文云靖細貌蓋細小之義故小人名靖人也淮南子作靖與諍靖竝通。僥音堯注脫。御覽三百七十八人事部漢武故事曰東郡送一短人長七寸衣冠具足疑其山精常令在案上行召東方朔問朔至呼短人曰巨靈汝何忽叛來阿母還未短人不對。山海經海外南經周僥國爲人短小冠帶一日焦僥國在三首東注其人長三尺穴居能爲機巧有五穀也箋疏按周僥亦僥聲之轉又聲轉爲朱儒又按初學記十九卷引拾遺記云員嶠山有陀移國人長三尺壽萬歲疑陀移卽周僥之異名

蒲衣項橐任賢張堪古之聖童也

莊子內篇應帝王蒲衣釋文

尸子云蒲衣八歲舜讓以天下崔云卽被衣王倪之師也國策秦策甘羅曰夫項橐生七歲而爲孔子師今臣生十二歲於茲矣高氏注續史記作大項橐司馬貞音託尊其道德故曰大後漢書任延傳任延字長孫南陽宛人也年十二爲諸生學於長安明詩易春秋顯名太學學中號爲任聖童按任賢賢字似當作延然考朱國楨湧幢小品卷二十四引鬱儀異林記亦作賢不作延自別有所本也又張堪傳張堪字君游南陽宛人也爲郡族姓堪早孤讓先父餘財數百萬與兄子年十六受業長安志美行厲諸儒號曰聖童

東南有人長七丈名曰尺郭一名黃父西北有人長二千里名曰無路西南荒有人長丈名曰先通東南荒有人長千里名曰朴父天竺車隣之國男女皆長丈八尺大秦國人皆長丈五尺神異



經東南荒經東南方有人焉周行天下身長七丈腹圍如其長  
頭戴雞父魑頭朱衣縞帶以赤蛇繞額尾合於頭不飲不食朝  
吞惡鬼三千暮吞三百此人以鬼爲飯以露爲漿名曰尺郭一  
名食邪一名赤黃父今世有黃父鬼原注魑頭髮煩亂也又  
西北荒經西北海外有人長二千里兩腳中間相去千里腹圍  
一千六百里但日飲天酒五斗不食五穀魚肉好遊山海間不  
犯百姓不干萬物與天地同生名曰無路之人一名仁一名信  
一名神原注天酒甘露也又西南荒經西南大荒中有人長  
一丈腹圍九尺踐龜蛇戴朱鳥左手憑白虎知河海水斗斛識  
山石多少知天下鳥獸言語土地上人民所道知百穀可食識  
草木鹹苦名曰聖一名哲一名賢一名無不達凡人見而拜之  
令人神智此人爲天下聖人也一名先通又一名賢原注俗目

先知按御覽三百七十七引此經朱鳥下有左手憑青龍五字

今本脫又右手憑白虎右譌作左應補正又東南荒經東南

隅太荒之中有樸父焉夫婦竝高千里腹圍百輔天初立時使  
其夫妻導開百川嬾不用意謫之竝立東南不飲不食不畏寒  
暑惟飲天露須黃河清當復使其夫婦導護百川。樸與朴同

御覽三百七十七人事部魏略曰天竺國人皆長一丈八尺

車隣國男女皆長一丈八尺又外國圖曰大秦國人長一丈

五尺猿臂長脅好騎駱駝

規額籐條侏儒焦僂瘡瘡僂昏聩瞶謂之八疾國語晉語

文公問於胥臣曰吾欲使陽處父傳驪也而教誨之其能善之  
平對曰是在驪也籐條不可使俛戚施不可使仰焦僂不可使  
舉侏儒不可使援瞶瞶不可使視聩瘡不可使言聾瞶不可使



聽僮昏不可使謀質將善而賢良贊之則濟可埃也若有違質  
教將不入其何善之爲公曰然則教無益乎對曰胡爲文益其  
質故人生而學非學不入公曰奈夫入疾何對曰官師之所材  
也威施直縛簿條蒙矜侏儒扶盧矇眊修聲聾聵司火僮昏聵  
瘖僮僂官師所不材也以實裔士夫教者因體能質而利之者  
也若川然有原以印浦而後大按規頤即威施見廣雅六釋訓  
又詳卷二籛條威施醜惡也注 籛條渠除二音侏章俱切內  
傳作朱焦本作僂在遙吾聊二切又見上短小人注瘖本作聵  
五金切瘖於金切玉篇中才部瘖於假切瘖瘖也聵五拜切矇  
眊莫紅素口二切

**頤車 鼙車 頤輔也**

釋名釋形體第八 頤養也動於下止於上上  
下阻物以養人也或曰輔車言其骨強所以輔持口也或曰牙

車牙所載也或曰頤車領含也口含物之車也或曰頤車亦所  
以載物也或曰鼙車鼙鼠之食積於頤人食似之故取名也凡  
繫於車皆取在下载上物也。頤音筴鼙邱檢切

**承漿口下也**

又同上口下曰承漿承水漿也

**立人鼻下也**

又同上鼻下曰立人取立於鼻下狹而長似人立  
也

**軍營華池口也**

御覽三百六十七人事部養生經曰軍營之中

有甘泉注云軍營口也甘泉唾也又曰口爲華池

**辛府腠理也**

素問水熱穴論第六十一 腎汗出逢於風客於辛  
府行於皮裏傳爲癰腫所謂辛府者汗空也注汗液色辛從空  
而出以汗聚於裏故謂之辛府府聚也

**隱器廷孔前陰也**

又骨空論第六十 督脈者起於少腹以下骨



中央女子入繫廷孔其孔溺孔之端也其絡循陰器合纂間繞纂後注繫廷孔者謂竊漏近所謂前陰穴也竊漏之中其上有溺孔焉端謂陰廷在溺孔之上端也

**魄門穀道也。**又五藏別論第十二魄門亦為五藏使水穀不得久藏又脈要精微論第十七倉廩不藏者是門戶不要也注倉廩謂脾胃門戶謂魄門魄門則肛門也

**天癸月客姪變月事也。**又上古天真論第二岐伯曰女子七歲腎氣盛齒更髮長二七而天癸至月事以時下故有子注癸謂王癸北方水干名也所以謂之月事者平和之氣常以三旬而一見也通雅十八身體類神仙服食經曰仙藥有陽丹陰丹婦人乳汁也婦人十五已上下為月客絕上為乳汁說文解字第十二姪婦人汚也从女半聲漢律曰見姪變不得侍祠博

慢切

**嚨咽語也。**

後漢書五行志二桓帝之初天下童謠曰吏買馬君具車請為諸君鼓嚨胡謂不敢公言私咽語。嚨原作胡嚨力公切

**𩑦鼻息也。**

𩑦當作𩑦玉篇上鼻部𩑦鼻息也又𩑦字注云面瘡音傍孝切非此義。𩑦呼洽切𩑦火侯切

**𩑦贅結肉也。**

荀子宥坐篇今學會未如𩑦贅則具然欲為人師注𩑦贅結肉。𩑦羽流切



駢雅訓纂補遺

訓纂五

釋名稱

女子之子爲外孫

五之二

爾雅釋親女子子之子爲外孫今按舊

鈔本作女子之孫爲外孫張刻本作女子之子爲外孫訓纂引  
爾雅釋親作女子子之子爲外孫與駢雅文異今考儀禮喪服  
第十一女子子在室爲父鄭氏注女子子者子女也別於男子  
也賈疏女子子者子女也別於男子也者男子女子各單稱子  
是對父母生稱今於女子別加一字故雙言二子以別於男一  
子者日知錄卷六女子子條女子子謂已所生之子若兄弟之  
子言女子者別於男子也猶左氏言女公子古人謂其女亦曰子詩曰  
齊侯之子衛侯之妻論語曰以其子妻之是也此章言男女之  
別故加女子於子之上以明之下乃專言兄弟者兄弟至親兄



弟之於姊妹猶弗與同席同器而況於姑乎況於女子子乎不言從子不言父據兄弟可知也喪服小記言女子子在室為父母杖然則女子子為己所生之子明矣原注胡氏謂重言子文衍黃氏以為女子之子皆非。所駁兩條鬱儀之說本此舊鈔本作孫尤誤也

燧人四佐

五之十三

釋史一太古第一開闢原始論語擣輔象燧人

四佐明由曉升級必育受稅俗成博受古諸隕邱受延嬉燧人出天四佐出世今按古微書卷二十六論語擣輔象燧人出天四佐出洛宋均注云出天所生出洛地所生也明由曉升級級等差政所先後也必育受稅役受賦稅及役所宜施為也成博受古諸古諸侯職貢也隕邱一作受延嬉延嬉此錄也原按古史燧人氏之時雖出四佐以代天理物乃大臣職命明繇政乎升級畢旒辨乎方色成博受乎古諸隕蔭錄乎

延嬉四后職而天道平人事理

伏羲六佐

五之十三

玉海一百二十官制陶淵明集聖賢羣輔錄金

提主化俗鳥明主建福視默主災惡紀通為中職仲起為海陸陽侯為江海右伏羲六佐見論語擣輔象今按古微書卷二十六論語擣輔象伏羲六佐出世必戲不及燧人故增金提一作主化俗為民敦風作也焉明主建福福利也視默主災惡為民除災害也紀通為中職為田主內職也仲起為海陸主平地兼統海也陽侯為江海江海一本作江湖原按伏羲舉六佐以自策命金提嬉俗指苦蓋謹窖藏視民之未居者借力成之以靖敷民命鳥明達方汭窾木絕港道以濟不通奠八方旌九位而分九土命視默為駐志災害察虛實居百鵬以平民命紀通中職定於中邦仲起司陸陽侯司海六佐職而天地位陰陽得



黃帝七輔五之十三

〔釋史五太古第五黃帝紀〕論語擿輔象黃帝七

輔風后受金法天老受天籙五聖受道級知命受糾俗窺紀受

變復地典受州絡力牧受準斥州選舉翼佐帝德今按古微書

卷二十六論語擿輔象黃帝七輔州選舉翼佐帝德風后受金

法宋均注云金法言天老受天籙錄天教五聖受道級級次知

命受糾俗糾正窺紀受變復有補復也地典受州絡絡維力墨

受準斥準斥凡事也力原按黃帝紀知命糾俗天老籙教力牧

準斥鳩治決法五聖道級闡紀補闕地典州絡七輔得而天地

治神明至又世紀云黃帝以風后爲上臺與天老五聖爲三臺

其餘知命窺紀地典力牧常先封胡孔甲等或爲帥或爲將非

烏獲五之十五

〔呂氏春秋重己篇〕使烏獲疾引牛尾尾絕力勦而牛

一人也

不可行逆也今按孟子六然則舉烏獲之任是亦爲烏獲而已

矣注烏獲古之有力人也能舉移千鈞焦氏循孟子正義引史

記秦本紀云武王有力好戲力士任鄙烏獲孟說皆至大官韓

非子觀行篇云烏獲輕千鈞而重其身非其身重於千鈞也勢

不便也論衡效力篇云世稱力者常哀烏獲又鹽鐵論能言篇

大夫曰夫坐言不行則牧童兼烏獲之任



駢雅卷三中

訓纂六

釋宮

長樂未央長門鼓簞宜春承光池陽黃平黃山望仙長楊集賢延壽祈年通天馱娑林光甘泉交門明光五柞萬歲太乙建章夜光棠梨扶荔鼎湖西漢宮名也。御覽一百七十三居處部漢宮闕

名曰長安有長樂宮未央宮長門宮鼓簞宮承光宮宜春宮池陽宮黃平宮長山宮望仙宮長楊宮集靈宮延壽宮祈年宮通天宮馱娑宮沛宮林光宮甘泉宮龍泉宮首山宮交門宮明光宮五柞宮萬歲宮竹宮壽宮建章宮太乙宮思子宮夜光宮棠梨宮扶荔宮桂宮鼎湖宮谷口宮又三輔黃圖二長樂宮本奏之興樂宮也高皇帝始居櫟陽七年長樂宮成徙居長安城

又黃圖二未央宮周回二十八里前殿東西五十丈深五十丈



高三十五丈營未央宮因龍首以制前殿〔又黃圖三〕長門宮離宮在長安城孝武陳皇后得幸頗妒居長門宮 鼓篲一作鼓簧黃圖二建章有駙蕩駙娑枌詣天梁奇寶鼓簧等宮又黃圖三引漢宮閣疏云鼓簧宮周匝一百三十步在建音宮西北篲竝作簧與御覽引異〔又黃圖三〕宜春宮本秦之離宮在長安城東南杜縣東近下杜〔又〕池陽宮在池陽南上原之阪有長年阪去長安五十里〔又〕黃山宮在興平縣西三十里武帝微行西至黃山宮卽此也〔又黃圖一〕長楊宮在今盩厔縣東南三十里本秦舊宮至漢修飾之以備行幸宮中有垂楊數畝因爲宮名門曰射熊觀秦漢游獵之所 集賢未詳疑是集仙之譌〔又黃圖三〕集靈宮集仙宮皆武帝宮觀名也〔又黃圖一〕斬年宮穆公所造廟記曰斬年宮在城外秦始皇本紀斬年宮

在雍畢氏沅按雍錄曰黃圖斬爲祈漢書亦作祈古字通用〔又黃圖三〕駙娑宮駙娑馬行疾貌馬行迅疾一日遍宮中言宮之大也。悉合蘇可二切〔又黃圖一〕林光宮胡亥所造從廣各五里在雲陽縣界又甘泉有高光宮又有林光宮有長定宮竹宮通天臺通靈臺〔又黃圖二〕甘泉宮一日雲陽宮關輔記曰秦所造漢建元中增廣之周十九里去長安三百里〔又黃圖三〕明光宮武帝太初四年秋起在長樂宮後南與長樂宮相連屬〔又〕武帝求仙起明光宮發燕趙美女二千人充之〔又五〕柞宮漢之離宮也在扶風盩厔宮中有五柞樹因以爲名五柞皆連抱上枝覆蔭數畝〔又〕萬歲宮武帝造汾陰有萬歲宮宣帝元康四年幸萬歲宮神爵翔集以元康五年爲神爵紀元〔又黃圖二〕建章宮武帝太初元年柏梁殿災粵巫勇之曰粵俗



有火災卽復大起屋以厭勝之帝於是作建章宮度爲千門萬戶宮在未央宮西長安城外〔又黃圖三〕棠梨宮在甘泉苑垣外雲陽南三十里〔又扶荔宮在上林苑中漢武帝元鼎六年破南越起扶荔宮〕〔注宮以荔枝得名〕〔又鼎湖宮在湖城縣界昔黃帝採首山銅以鑄鼎鼎成有龍下迎帝仙去小臣攀龍髯而上者七十二人漢武帝於此建宮〕

徽行顯陽暉章含章仁壽百福清暑章華嘉福宣光明修嘉樂蔬圃九華章陽芳德景福延休百子虞清淵冥安昌式乾林光漢晉殿名也。行當作音明修當作修明御覽一百七十五居處部晉

宮閣名曰太極殿十二間徽音殿顯陽殿暉章殿含章殿建始殿仁壽殿百福殿清暑殿章華殿嘉福殿宣光殿修明殿嘉樂殿芙蓉殿崇光殿華光殿蔬圃殿華德殿九華殿章陽殿百兒

殿芳德殿靈圃殿承光殿永甯殿景福殿延休殿百子殿虞清殿淵冥殿安昌殿又山謙之丹陽記曰皇后正殿曰顯陽東曰含章西曰徽音又洛宮之舊也含章名起後漢顯陽徽音亦起魏曰明陽晉避文帝諱改焉〔又晉中興書曰烈宗起清暑殿議者曰清暑反語楚聲也爲殿以酸楚之聲爲號非吉祥也頃烈宗崩桓元自號楚〕〔又洛陽宮殿簿曰明光殿徽音殿式乾殿〕

〔又建康宮殿簿云林光殿在縣東北十里潮溝村覆舟山前晉以爲藥園按〕以上皆晉殿名漢殿名未載疑有脫誤今據御覽本卷補入三輔宮殿名曰未央宮有麒麟殿椒房殿又曰長樂宮前殿宣德殿通光殿高明殿漢宮闕名曰長安有臨華殿神仙殿高門殿朱鳥殿會城殿宣室殿承明殿鳳皇殿飛雲殿昭陽殿鸞鸞殿均臺殿合懽殿漢宮典職曰德陽殿周旋容萬



人激洛水於殿下

蘭池平樂象章鳩鵲華光流渠相思長平華池迎風露寒鼎效漢觀名也。象當作豫效當作郊。御覽一百七十九居處部漢官殿

名曰長安有臨仙觀渭橋觀仙人觀霸昌觀蘭池觀平樂觀九華觀豫章觀鴻雀觀昆明觀走馬觀華光觀封巒觀走狗觀天梯觀瑤臺觀流渠觀相思觀長平觀宜春觀華池觀射熊觀迎風觀露寒觀當市觀石闕觀白渠觀鼎郊觀白虎觀懷德觀三雀觀林木觀溫德觀。注潘岳關中記云鼎郊觀在士林苑。按御覽此下有長平觀三字與上複今刪又鴻雀觀似係鳩鵲觀之譌三輔黃圖四甘泉苑武帝置苑中有鳩鵲觀

宣平萬秋青綺壽成漢長安城門也。

御覽一百八十三居處部

漢宮殿名曰長安有宣平門覆盎門萬秋門橫門東都門宣德

門禮城門青綺門章義門仁壽門壽成門。按長安十二門見水

經渭水注考詳梁氏文選旁證一

大夏閭闔萬春長秋金牙鴻都章臺濯龍洛陽城門也。

又同上

洛陽有泰夏門閭闔門西華門萬春門倉龍門長秋門景福門永巷門丙舍門鴻都門金牙門不老門章臺門濯龍門定鼎門泰與大通大讀如太

金華清陽承休朱明白藏顯仁飛雲晉閭名也。

華當作光。御覽

一百八十四居處部晉宮閭名曰洛陽宮有金光閭清陽閭朱明閭承休閭安樂閭白藏閭顯仁閭崇明閭章德閭飛雲閭安世閭長安閭長安有東明閭西華閭紫闔閭。閭據御覽引當作閭

象魏闕也。

周禮天官大宰乃縣治象之灋于象魏。注鄭司農云



象魏闕也疏云象魏闕也者周公謂之象魏雉門之外兩觀闕高魏魏然孔子謂之觀

**堂堦合殿也**

廣雅釋宮堂堦堦也疏證堦通作殿堦通作皇漢

書胡建傳監御史與護軍諸校列坐堂皇上顏師古注云室無四壁曰皇太平御覽引廣雅作堂皇合殿也廣韻亦云堂堦合殿

**辟廱頌宮瞽宗東膠成均國學也**

禮王制天子曰辟廱諸侯曰

頌宮注辟明也廱和也所以明和天下頌之言班也所以班政教也又文王世子大師詔之瞽宗注周立三代之學學書於

有虞氏之學學舞於夏后氏之學學禮樂於殷之學釋文瞽宗殷學名又王制周人養國老於東膠注東膠亦大學在國中王宮之東周禮春官大司樂掌成均之灋以治建國之學政

注董仲舒云成均五帝之學疏周人以成均學之舊法式以立國之學內政教也

**天子牆曰賁庸諸侯曰疏杼**

尚書大傳多士天子賁庸注賁大

也庸謂之庸大庸正直之牆又諸侯疏杼注疏猶衰也杼亦庸也衰殺其上不得正直。杼音宁

**旅樹門屏也**

禮郊特牲臺門而旅樹注旅道也屏謂之樹樹所

以蔽行道管氏樹塞門塞猶蔽也禮天子外屏諸侯內屏大夫以簾士以帷疏樹立也人君當門道立屏蔽內外為蔽也云屏謂之樹釋宮文云禮天子外屏諸侯內屏者禮緯文

**桎桓行馬也**

周禮天官掌舍設桎桓再重注故書桓為柜杜子

春讀為桎桓桎桓謂行馬。步禮戶故二反

**埤垼女牆也**

廣雅釋宮埤垼埤女牆也疏證埤垼字或作埤倪



或作睥睨或作睥倪釋名釋宮室第十七城上垣曰睥睨言於其孔中睥睨非常也亦曰睥睨裨也言裨助城之高也亦曰女牆言其卑小北之於城若女子之於丈夫也。晉計五計二反

**宗廟梁也。**

爾雅釋宮宗廟謂之梁注屋大梁也。宋音亡廟力

又反

**落時樞達也。**

又同上樞達北方謂之落時落時謂之扂注門持樞者或達北穩以爲固也正義戶在東南其持樞之木或達於北方者名落時亦名爲扂。扂本或作凡同音侯

**掇儒短柱也。**

掇當作楹釋名釋宮室第十七掇儒梁上短柱也掇儒猶侏儒短故以名之也 爾雅釋宮釋文掇之劣反本或作悅音同

**聯櫨屋栢也。**

說文解字第六櫨屋櫨聯也从木邊省聲武延切

按廣韻二下平聲櫨字注引說文云屋聯櫨也鬱儀用聯櫨本此又釋名釋宮室第十七栢或謂之櫨櫨縣也縣連棟頭使齊平也

**壁帶櫨也。**

櫨當作櫨說文繫傳第十一稱壁柱西京雜記謂之

壁帶按亦見漢書外戚傳下注此訓櫨也當从繫傳說又說文

無櫨字段氏據篇韻補篆櫨訓柱上枅補各弼戟二切櫨訓壁

柱平碧反

**學思屏也。**

廣雅釋宮學思謂之屏按學思一作思思覆思

復思前世載思恩之制凡五出考詳程大昌演繁露卷十一。

浮思二音

**展屨門門也。**

顏氏家訓書證第十七古樂府歌百里奚詞曰百里奚五羊皮憶別時烹伏雌吹展屨今日富貴忘我爲吹當作



炊煮之炊按蔡邕月令章句曰鍵闢牡也牡所以止扉也或謂之剡移然則當時貧困並以門牡木作薪炊爾聲類作屢屢又或作居古樂苑三十琴曲歌辭琴歌原注風俗通曰百里奚爲秦相堂上樂作所賃澣婦自言知音援琴撫弦而歌問之乃其故妻還爲夫婦也亦謂之屢屢歌字說曰門闢謂之屢屢按釋史五十四秦穆公霸西戎所引風俗通略同又注云今本無典略又作鼓瑟今考應劭風俗通十卷內實無此文御覽五百七十二樂部十引風俗通作援琴而歌五百七十六樂部十四引典略又作鼓瑟文亦小有異同竝存備考。𦔻移二音門音櫃居音簞

**筮屨戶牡也。**

廣雅釋宮投謂之闢鍵筮屨戶牡也。屨音及

**鋪首鉅鉤門𦔻也。**

通雅三十八宮室類倉琅根椒圖鋪首也𦔻

真子曰杜牧之花萼樓詩云唯有紫苔偏稱意年年應得上金

鋪出甘泉賦注云金鋪門首也按門之鋪首所以𦔻環者鋪平

聲漢注音去聲

集韻平聲四鉅烏侯切門鋪謂之鉅鉤按鉅

鉤有二解廣雅釋器鉅鉤謂之鉅鉤疏證引說文鉅鉤頸𦔻也

集韻鉤字注亦引之非此義。鉤胡溝切音侯

**承塵仰塵也。**

釋名釋牀帳第十八承塵施於上承塵土也通雅

三十八宮室類元有盃頂殿盃頂之制三椽其頂若筍之平今

所謂燕窩制也常居上有承塵今日仰塵

**搏壁席壁也。**

釋名釋牀帳第十八搏壁以席搏著壁也。搏度

官切

**綺疏白間文窗也。**

後漢書梁冀傳窗牖皆有綺疏青瑣圖以雲

氣仙靈注牖小窗也綺疏謂鏤爲綺文青瑣謂刻爲瑣文而以



青飾之也。〔文選〕景福殿賦：皎皎白間，離離列錢。〔注〕白間，青瑱之側，以白塗之，今猶謂之白間。間，古莧切。

石材石承礎礎也。

〔尚書〕大傳：多土，士大夫有石材。〔注〕柱下質也。

〔又〕庶人有石承。〔注〕當柱下而已，不出外為飾也。礎，音楚礎音鵠。

藻井刻扉也。

〔文選〕西京賦：帶倒茄於藻井。〔薛綜〕注：藻井，當棟中交木方為之，如井幹也。此作刻扉，提要非之。今按：藻井，異義詳首卷識語。門扉之土刻為連環文，見陳大昌演繁露十一刻。

屏屏字本此。

屠蘇平屋也。

〔廣雅〕釋宮：屠蘇，廡廡粗幕，易廁庵也。〔疏證〕：廣韻：屠蘇，草庵也。引通俗文云：屋平曰屠蘇。通作屠蘇。屠，張刻作瘡。

舊鈔本不誤。

枅振屋端也。

〔文選〕甘泉賦：日月纚經於枅振。〔注〕：服虔曰：枅，中央也。枅，屋相也。枅於兩切，振音辰。

閨竇小戶也。

〔左傳〕襄公十年：筆門閨竇之人而皆凌其上。〔注〕：筆門，柴門。閨竇，小戶穿壁為戶，上銳下方，狀如圭也。言伯與微賤之家，釋文：筆音必，閨音圭。本亦作圭竇。音豆。按：禮：儒行：筆門圭竇。注：圭竇，閨旁竇也。竇，牆為之如圭矣。釋文：竇徐音豆。左傳作竇。

竇。

遽廬傳舍也。

〔莊子〕外篇天運：仁義先王之遽廬也。〔注〕：猶傳舍也。

。遽音渠。

徯徯巷也。

〔升庵〕文集六十四字學類：今之巷道名為胡洞，字書不載，或作徯徯，又作徯徯，皆無據也。南齊書：蕭鸞弑其君昭於西弄，注：弄巷也。南方曰弄，北方曰徯徯，弄之反切為徯徯也。蓋



方言耳

**易痢庵也。**

廣雅釋宮詳上屠蘇注又疏證影宋本皇甫本竝作

易痢各本譌作痢廣韻引廣雅作康。此尚沿舊本痢來達反

**櫛落櫛地離也。**

又同上櫛櫛籒籒櫛落地也疏證地今離字

也各本地字譌作地地下又衍一離字蓋今本離字本作離乃是地字之音既誤入正文後人又改離爲離耳櫛字通作羅櫛之言羅羅然也落之言落落然也古通作落釋名云青徐謂籒曰櫛櫛與櫛同櫛玉篇音渠櫛之言渠疏然也櫛者叢積之名猶荐也哀八年左傳吳人囚邾子於樓臺櫛之以棘杜注云櫛擁也此與十二年傳吳人藩衛侯之舍同意。此作地籒猶沿

舊說

**華表柱識也。**

古今注問答釋義第八程雅問曰堯設誹謗之木

何也答曰今之華表木也以橫木交柱頭狀若花也形似桔槔

大路交衢悉施焉或謂之表木以表王者納諫也亦以表識衢

路也秦乃除之漢始復修焉今西京謂之交午也

**祖潛隈也。**

廣雅釋宮祖潛隈也疏證祖之爲言阻遏也說文祖

木閑也木閑謂之祖水偃謂之祖義相近也潛玉篇音七故切

廣韻又側伯山貢二切潛之言迫迤也說文潛所以離水也祖

潛聲亦相近按集韻祖有臻魚壯所二音故曰聲近曹憲音士

家倉故反

**匱豬雷下也。**

左傳襄公二十五年規匱豬注匱豬者畜流水之

陂也又周禮天官宮人爲其井匱注匱豬謂雷下之池受畜水

而流之者丹鉛總錄地理類周禮注井漏井匱雷豬按漏井今

之滲坑匱豬今之陰溝也按通雅三十八宮室類引鄭氏云匱







鳴尾瓦獸也

通雅三十八宮室類蜚尾或作鳴尾祠尾鳴吻蘇

鶚曰蜚海獸也漢武作柏梁有上疏曰蜚尾水精能辟火災顏子推曰東宮舊事呼鳴尾爲祠尾又呼爲鳴吻黃朝英按倦游雜錄言漢以宮殿多災術者言天上有魚尾星宜爲象冠屋以禳之陳書三公黃閣聽事置鳴尾蕭摩訶以功寢室並置鳴尾北史宇文愷傳云自晉以前未有鳴尾藝林彙考棟宇篇八廡序類畱青曰札唐之屋舍王公以下非常參官不得施縣魚瓦獸鳴尾屋脊兩頭吻獸也拒鵲者瓦獸上鐵叉也

夏臺美里念室動止稽留狴牢圜土因諸若盧居室因圜獄也

廣雅釋宮獄狴也夏曰夏臺殷曰美里周曰圜圉疏證史記夏紀云桀召湯而囚之夏臺殷紀云紂囚西伯美里圉與圉同月令省圉圉正義引鄭志崇精問曰獄周曰圜土殷曰美里夏曰

均臺圉圉何代之獄焦氏答曰月令秦書則秦獄名也漢曰若

廣魏曰司空釋名釋宮室第十七圉領也圉御也領錄囚徒禁

御之也。美與久切圉圉靈語二音初學記政理部獄第十

一博物志云夏曰念室殷曰動止周曰稽留三代之異名也又

狴牢者亦獄別名漢書曰有罪當械者皆頤繫應劭注曰頤者

容也言見寬容但處曹吏舍不入狴牢今本博物志無此文

又易林比之否失意懷憂如幽狴牢。狴毘陞二音周禮地

官比長以圜土納之注圜土者獄城也釋名釋宮室第十七獄

又謂之圜土築土表牆其形圜也。圜同圓于權切公羊傳

昭公二十一年宋南里者何若曰因諸者然注因諸齊故刑人

之地疏舊說云卽博物志云周曰圉圉齊曰因諸是也。今本

博物志無此文漢書灌夫傳繫居室注居室署名也屬少府



其後改名曰保宮按蘇武傳加以老母繫保宮注百官公卿表云少府屬官有居室武帝太初元年更名保宮

**械寶溷軒行清糞廁也。**

史記萬石君列傳取親中裙廁廁身自

浣滌集解徐廣曰廁築垣短板也音住一讀廁爲寶寶音豆言建又自洗蕩廁寶瀉除穢惡之穴也呂靜曰械廁褻器也音威豆駟按蘇林曰廁音投賈逵解周官械虎子也廁行清也孟康曰廁行清。廁行中受糞者也東南人謂鑿木空中如曹謂之廁按廁與寶通互詳上閨寶小戶也注後漢書李膺傳延熹二年徵再遷河南尹時宛陵大姓羊元羣罷北海郡臧罪狼藉郡舍溷軒有奇巧乃載之以歸膺表欲按其罪元羣行賂宦豎膺反坐輪作左校注溷軒廁屋。溷胡困切

**閨闔城門曲也。**

詩出其東門閨闔傳閨曲城也闔城臺也箋云閨讀當如彼都人士之都謂國外曲城之中市里也說文解字第十二閨城內重門也从門丕聲於真切閨闔也從門者聲當孤切



重門也  
人士  
指出其東門

駢雅訓纂補遺

訓纂六

釋宮

未央西漢宮名也

六之

三輔黃圖二未央宮深五十丈營未央

宮因龍首以制前殿夏氏文憲按畢刻三輔黃圖作深十五丈

又因龍首下有山字

搏壁席壁也

六之

今按畢氏釋名疏證曰楚辭九歌湘君薛荔

拍兮蕙綢王逸注云柏搏壁也拍一作柏竝音博

劇驂歧路也

六之

釋名釋道第六驂馬有四耳今此道有七比

於劇也文憲按璜川吳氏本比於下有驂字林按漢魏叢書本

無驂字畢本釋道第六比於劇也注於疑當作之初學記云比

之方驂劇



